

შსს ახალ რანაწერებს აქვეყნებს

შსს-მ გუშინ ფარული ჩანაწერების მორიგი სერია გამოაქვეყნა, რასაც საგანგებო ბრიფინგი მიეძღვნა და სადაც ცნობილი გახდა, რომ სამართალდამცველებმა 23 სექტემბერს, თბილისში დააკავეს "კანონიერი ქურდი" დავით ხიზანიშვილი, რომელიც ლაშა შუშანაშვილის დავალებით მოქმედებდა და რომლის მიზანსაც წარმოადგენდა დანაშაულებრივი დაჯგუფების მუშევრებით ფიზიკური და ფსიქოლოგიური ზეწოლა მოეხდინა ამომრჩეველზე ერთ-ერთი ოპოზიციური პოლიტიკური პარტიის სასარგებლოდ.

ამის დასადასტურებლად შეს-მ ფარული სატელეფონო ჩანაწერები გამოაქვეყნა, სადაც მათი მტკიცებით, ერთმანეთს "კრიმინალური ავტორიტეტები" ესაუბრებიან. გარდა ამისა, გამოქვეყნდა "ქართული ოცნების" სიის პირველ

ნომერის კახი კალაძის საუბარი უცხო პირთან და გუბაზიანიკიძის სატელეფონო საუბარი შევარდნაძისდროინდელ უშიშროების მინისტრ ვალერი ხაბურძანიასთან.

ბაზრძალა
80-4 ბავრძა

სტუდენტური პროტესტი ელოდება არჩევნებს და პატრიარქის გამოსვლას



მარი ახსიაშვილი

უკვე ტრადიციულად, სტუდენტური გაერთიანებები გუშინ ივანე ჯავახიშვილის სახელობის სახელწიფო უნივერსიტეტის პირველი კორპუსის ეზოში 15:00-ზე შეიკრიბნენ. მათი მთავარი მოთხოვნა კვლავ ციხეებში მომხდარ დანაშაულის გამოძიება და პატიმართა ნამებაში დამნაშავე პირების დასჯაა. თუმცა, სტუდენტებმა ძირითად მოთხოვნებს კიდევ ერთი დაამატეს - სამართლიანი და ხალხის ნების გამომხატველი არჩევნების უზრუნველყოფა.

ბაზრძალა
80-2 ბავრძა

ფრანგული მხარის უკმაყოფილება და ქართული განმარტება

ფრანგული ჟანდარმერიის მიერ მოწოდებული მასალების საფუძველზე, შინაგან საქმეთა სამინისტრომ ქურდულ სამყაროსთან კავშირის მუხლით, სისხლის სამართლის საქმე აღძრა და გამოძიება დაიწყო. ფრანგული მასალების საფუძველზე, გუშინ, გვიან ღამით, ყოფილ სახელმწიფო მინისტრთან, გოგა ხაინდრავასთან საგამოძიებო მოქმედება ჩატარდა. ის მოწმის სტატუსით დაიკითხა. როგორც შსს სამინისტროში აცხადებენ, ეს იყო პირველი დაკითხვა და "ქურდულ სამყაროსთან" კავშირში დადანიშნული გოგა ხაინდრავა, დღეს კიდევ დაკითხება.

საუბარია მასალებზე, რომლებიც მთავარმა პროკურატურამ ტექსტობრივი, ვიდეო და ფოტომასალების, ასევე, თარგმანის სახით გაავრცელა და რომელშიც ქართველ "კანონიერ ქურდებთან" ერთად, ყოფილი სა-

ხელმწიფო მინისტრი გოგა ხაინდრავა ფიგურირებს. ინფორმაციის თანახმად, ხაინდრავა იმყოფებოდა კანონიერ ქურდებთან შეხვედრაზე, რომლებსაც მხარდაჭერის სანაცვლოდ, გავლენის აღდგენას პპირდებოდა

გუშინ დილით, საფრანგეთის საგარეო საქმეთა სამინისტრომ, საკუთარ ოფიციალურ ვებგვერდზე განცხადება გამოაქვეყნა, სადაც ფრანგული მხარე უკმაყოფილებას გამოთქვამს მასალების გასაჯაროებასთან დაკავშირებით.

"ჩვენ გაცხადებულნი ვართ, რომ საქართველოს ხელისუფლებამ გამოაქვეყნა ინფორმაცია, რომელიც საფრანგეთში მიმდინარე ერთი საქმის საგამოძიებო საიდუმლოს წარმოადგენს.

ბაზრძალა
80-4 ბავრძა

საკროტესტო აქციები მადრიდსა და ათენში

სალეო ჯანიაშვილი

სუთშაბათს მადრიდში პოლიციამ რეზინის ტყვიები და ხელკეტები გამოიყენა დემონსტრანტების წინააღმდეგ, რომლებიც ხელისუფლების ხისტი ეკონომიის ზომებს აპროტესტებდნენ. შეტაკების მიზეზი გახდა დემონსტრანტების მცდელობა, გაერღვიათ რკინის ჯვებრიები, რომელიც პარლამენტის შენობის გარშემო იყო დაყენებული. ესპანურ პრესაზე დაყრდნობით გავრცელდა ინფორმაცია, რომ მინიმუმ 20 მომიტინგე დაკავებულია, ათამდე კაცი კი დაშავდა.



მადრიდი

ბაზრძალა
80-7 ბავრძა

1 აშშ დოლარი	1.6620\$
1 ევრო	2.1463\$
1 ინგლისური გირვანკა	2.6953\$
1 თურქული ლირა	0.9261\$
100 რუსული რუბლი	5.3336\$

თბილისი	28°C - 16°C
ქუთაისი	30°C - 17°C
თელავი	29°C - 14°C
ზუგდიდი	29°C - 14°C
ბათუმი	27°C - 17°C

ნავთობი	3.07	-0.03	-1.05%
გაზი	3.17	+0.07	+2.17%
ოქრო	1,749.80	-16.60	-0.95%
ხორბალი	869.50	-17.00	-1.96%

"24 საათი" ელექტრონული ვერსია იხილეთ Web-გვერდზე www.24saati.ge
ჩვენი პარტნიორები:

ISSN 1987 9121
91771987 | 9121001

"გაიღიგეთ" "ოსკარს" უღიგის

ირანული "შაქრის ნატეხი" ქვეყნის მთავრობამ ნომინაციაში მოხვედრის შანსის გარეშე დატოვა

ნა ვეკა

რამდენიმე კვირის წინ ინტერნეტში გამოჩენილი სამოყვარულო ფილმ "მუსლიმთა უმანკოების" გარშემო არსებულმა მსოფლიო მასშტაბის სკანდალმა კინოსამყაროშიც გადაინაცვლა. ირანის კულტურის მინისტრის, მოჰამად ჰოსეინის მიერ გაკეთებული ოფიციალური განცხადების თანახმად, წელს ირანი უარს ამბობს ამერიკის კინოაკადემიის უცხოეთო ფილმის ნომინაციაზე ფილმის წარდგენაზე, რის მიზეზადაც სწორედ ზემოთ ნახსენები ფილმის არსებობა და მისი შინაარსი მოჰყავს. ირანის მთავრობის ბოიკოტის მთავარი მსხვერპლი კი, ცხადია, ფილმი - სეიდ რეზა მირ ქარიმის "შაქრის ნატეხი", რომლის წარდგენაც "ოსკარზე" ამ დღეებში იგეგ-



კადრი რუსუდან ჭყონიას ფილმიდან "გაიღიგეთ"

მებოდა. მოჰამად ჰოსეინის ამ განცხადების გაკეთებისას არც ამერიკის მთავრობის გაკრიტიკება დაიწყებია და არც ფილმის ავტორის ხსენება, რომლის "თავიცი" რამდენიმე მუსლიმურმა ქვეყანამ საკმაოდ ძვირად შეაფასა. ამას-

თან, ჰოსეინიმ სხვა მუსლიმურ ქვეყნებსაც მოუწოდა ბოიკოტისკენ, რათა ამ სახით გამოხატონ უკმაყოფილება არსებული ფილმისა და ზოგადად ამერიკის მთავრობის მიმართ.

ბაზრძალა
80-9 ბავრძა

საქართველო ევრობასკეტბისტის მხუთე კალათაშია

საქართველოს კალათბურთელთა ნაკრებს 2013 წლის სლოვენის (4-22 სექტემბერი) ევროპის ჩემპიონატის კენჭისყრის წინ მე-5 კალათაში მიუჩინეს ადგილი. იგორ კოკოშკოვის გუნდის გარდა, მე-5 კალათაში მოხვდნენ ბელგია, ლატვია და თურქეთი.

მონინავე კალათაში ჩემპიონს, ესპანეთის ნაკრებები გასულ ევრობასკეტზე ნაჩვენები შედეგების მიხედვით გადაინილდნენ. ამიტომ ევროპის

ბაზრძალა
80-11 ბავრძა



მიხეილ სააკაშვილი "პინ და ბარით"

მარი ახსიაშვილი

საქართველოს პრეზიდენტმა მიხეილ სააკაშვილმა ნიუ-იორკში, გაერო-ს გენერალური ასამბლეის სესიაში მონაწილეობის პარალელურად, შეხვედრები გამართა ევროპელ ლიდერებთან, ასევე სხვადასხვა სახელმწიფოების და საერთაშორისო ორგანიზაციების პირველ პირებთან. პრეზიდენტის ადმინისტრაციის ინფორმაციით, საუბრის მთავარი თემები ქვეყანაში მიმდინარე პროცესები, განხორციელებული რეფორმები და მოახლოებული არჩევნები იყო.

ნიუ-იორკში ვიზიტისას მიხეილ სააკაშვილი შეხვდა პოლონეთის პრეზიდენტ ბრონისლავ კომოროვსკის და დომენიკის რესპუბლიკის პირველ პირს დანილა მედინა სანჩესს. საუბრის მთავარი თემები ორმხრივი ურთიერთობა, რეგიონული უსაფრთხოება და ოკუპირებულ ტერიტორიებზე არსებული ვითარება იყო. მხარეები ასევე შეხვდნენ საქართველო-რუსეთის ურთიერთობას, კერძოდ, ჩრდილოეთი მეზობლისგან მომდინარე საფრთხეებს. მიხეილ სააკაშვილის თქმით, რუსეთი კვლავ ცდილობს, სხვადასხვა მეთოდებით მოიპოვოს სხვადასხვა სახელმწიფოების მხრიდან აფხაზეთისა და ე.წ. სამხრეთ ოსეთის დამოუკიდებლობის აღიარება.

დომენიკის რესპუბლიკის პრეზიდენტი საქართველოში განხორციელებული რეფორმებითაც დაინტერესდა. მისი ინიციატივით, დომენიკის ხელისუფლების წარმომადგენლები ამ რეფორმების ადგილზე გაცნობის მიზნით საქართველოს ეწვევიან. ამავე შეხვედრის ფარგლებში დანილა მედინა სანჩესმა საქართველოსთან ეკონომიკისა და ტურიზმის სფეროში თანამშრომლობის სურვილიც გამოხატა.

მიხეილ სააკაშვილი ევროკავშირის პრეზიდენტ ჰერმან ვან რომპეისაც შეხვდა. გარდა ამისა, საქართველოს პრეზიდენტმა ფრანგ კოლეგასთან გამართა შეხვედრა და მასალების მონოდებისთვის მადლობა გადაუხადა. მისი თქმით, ეს არის პოლიციისა და უანდარმერიის თანამშრომლობის კარგი მაგალითი.

მიხეილ სააკაშვილის განცხადებით, ყველა პარტნიორისთვის, ვისაც აშშ-ში ხვდება, ნათელია, რომ თუ საქართველოს კურსი შეიცვლება ან მას პრობლემები შეექმნება, ორმხრივი ურთიერთობაში მიღწეულ ყველა შეთანხმებას ქარი წაიღებს. მისი თქმით, ის, რომ რამდენიმე უღირსმა და ძალიან საეჭვო ადამიანმა სხვადასხვა უწყებებში რაღაც ჩაიდინეს, არ უნდა გახადეს იმის საბაბი, რომ ქვეყნის

მტრების გეგმები შესრულდეს.

"ჩვენ ახლა ვართ ევროპასთან თავისუფალი უვიზო მიმოსვლის შემოღების წიკაზე. ამას ხელი უახლოეს თვეებში მოეწერება. ამის შემდეგ ჩვენს მოქალაქეებს შეეძლება, ვიზის გარეშე შევიდნენ ევროკავშირის ქვეყნებში. ჩვენ ასევე ვანერთ ხელს ასოცირების ხელშეკრულებას და ევროკავშირთან გვექნება თავისუფალი ვაჭრობა - ყველა ჩვენი ფერმიერი თავის პროდუქციას ევროპულ ბაზარზე "ბაჟის" გარეშე გაიტანს, ეს ნიშნავს, რომ ათი ათასობით და ასი ათასობით ახალი სამუშაო ადგილი შეიქმნება. თუმცა, ყველა ჩვენი პარტნიორისთვის, ვისაც აშშ-ში ვხვდებით, დღესაც ნათელია, რომ თუ საქართველოს კურსი შეიცვლება ან მას პრობლემები შეექმნება, ამ ყველაფერს ქარი წაიღებს," - აღნიშნა სააკაშვილმა ევროკავშირის პრეზიდენტ ჰერმან ვან რომპეისთან გამართული შეხვედრის შემდეგ.

ამასთან, სააკაშვილმა საქართველოს ოკუპირებულ ტერიტორიების შესახებაც ისაუბრა და განაცხადა, რომ აშშ-ში ვიზიტის ფარგლებში ყველა იმ სახელმწიფოს წარმომადგენლებს ხვდება, რომელთა მოსყიდვის მცდელობაც აქვს ან შეიძლება ჰქონდეს რუსეთს აფხაზეთისა და ე.წ. სამხრეთ ოსეთის აღიარების სანაცვლოდ.

"შეხვედი და მივესალმე საფრანგეთის პრეზიდენტს და ევროკავშირის პრეზიდენტს. ახლა ვხვდები სხვა კონტინენტების წარმომადგენლებს, რადგან რუსეთის ფედერაცია ძალიან ცუდად აფათურებს ხელს, რომ მიაღწიოს აფხაზეთს და ე.წ. სამხრეთ ოსეთის დამოუკიდებლობის ცნობას. სპეციალურად ამისთვისაა აქ ჩამოსული ლავროვი და ისტერიკულად დარბის აქეთ-იქით, რომ კიდევ რომელიმე უნძიანი ან სახელმწიფო მოისყიდოს. ახლა ვხვდები ასეთი სახელმწიფოს წარმომადგენლებს. სხვათა შორის, ამ მხრივ ჩვენმა დიპლომატიამ ძალიან წამარტებულად იმუშავა და რუსეთს გეგმები ჩაუშაღეთ," - განაცხადა საქართველოს პრეზიდენტმა.

"უკან არ დავიხევთ და წავალთ წინ"

ნიუ-იორკიდან დაბრუნებულ მიხეილ სააკაშვილი გუშინ გერმიაში ჩავიდა და მოსახლეობას შეხვდა. მისი განცხადებით, ის შიდა მტრად არც ერთ პარტიას არ განიხილავს და ყველა პარტია უნდა გაერთიანდეს. მიხეილ სააკაშვილის თქმით, საერთო მიზნებისთვის ბრძოლაში ყველა აღმსარებლობის და წარმომავლობის ადამიანი ერთად უნდა დადგეს.

"არსებობს ღირებულებები, რომლებიც პარტიულ კუთვნილებაზე გაცილებით მაღლა დგას - არ შევანეროთ აღმშენებლობა, განათლების გაუმჯობესება, ახალი საავადმყოფოების მშენებლობა და ყველა დაზღვევა, არ დავაბრუნოთ "კანონიერი ქურდები" და ორგანიზებული დანაშაული. ეს ყველაფერი პარტიულ კუთვნილებას სცდება და ხალხი ამას არ დაუშვებს. საქართველო არასდროს დაუწევია ვერ მტერს და მათი ტანკები ვერ შეაჩერებს ქართველი ხალხის ურყევ ნებას, იყოს თავისუფალი და განვითარდეს. გაერო-ში ტაშს უკრავდნენ არა ჩემი, არამედ ქართველი ხალხის მისამართით, რადგან არავის წარმოედგინა, რომ შეუძლებელს შევძლებდით. ჩვენზე ბევრად დიდი ერები დაწვენიდნენ და გაუჩინარდნენ. ჩვენ კი ისევ ამაყად თავანული ვდგავართ და ვამბობთ - არასდროს დავხრით თავს, უკან არ დავიხევთ და წავალთ წინ," - აღნიშნა მიხეილ სააკაშვილმა და დასძინა, რომ რამდენიმე ნაძირალის და სადისტიკის დანაშაულის გამო საქართველოს მომავალი ქურდების "სხადნიაკით" არ გადაწყდება. მისივე თქმით, გაერო-ში გამოსვლისას ისე არ ნერვიულობს, როგორც გორის ისტორიულ მოედანზე.

პრეზიდენტმა გორში განხორციელებულ სარეაბილიტაციო პროექტებზეც ისაუბრა და აღნიშნა, რომ ქალაქის ცენტრით გაოგნებული და აღტაცებულია. მიხეილ სააკაშვილმა მთელი საქართველოს მოსახლეობა გორის დასათვალისწინებლად მიიწვია, რადგან, მისი თქმით, ცოტა ხანში განახლებულ ქალაქს ველარავინ იცნობს.

"ეს არის მოედანი, სადაც ხალხი დაგვიხოცეს, რომელიც სისხლით და სანიზრობით გაიცნო და სადაც მტერი ჩვენი სახელმწიფოებრიობისთვის ნერტილის დასმას ცდილობდა. საქართველო გამოცოცხლდა, წამოდგა ფეხზე და გააგრძელეს წინსვლა უკეთესი მომავლისკენ. 1 ოქტომბერი თავისი მნიშვნელობით არის ისეთივე გადამწყვეტი, როგორც იყო 2008 წლის აგვისტო, რადგან რაც მტერმა ვერ მოახერხა პროვოკაციებით, ფრონტით, ემბარგოთი და მოსყიდვით, ცდილობს, გააკეთოს არჩევნების გარშემო ჩატარებული მანევრებით, საბუნდრო კონცენტრაციით, მილიონობით შემოყრილი რუსული ფული და ჩვენი პასუხი იქნება ისეთივე, როგორც იყო 2008 წელს. საქართველოს თავისუფლება და მომავალი არაფერზე იცვლება და ქართველი ხალხი მას დაიცავს," - განაცხადა მიხეილ სააკაშვილმა.

კაშვილმა.

გორის შემდეგ საქართველოს პრეზიდენტი გლდანში მივიდა და იქ პროფესიული კოლეჯი გახსნა. როგორც მიხეილ სააკაშვილმა სიტყვით გამოსვლისას განაცხადა, ბოლო დღეების მოვლენების ფონზე კარგად დაინახა, რისი დაბრუნებაც უნდათ.

"ვინც დღეს ხმამაღლა გაპყვირის, ყველაზე ნაკლებად აღელვებს ძალადობა და ადამიანის შეურაცხყოფა. სამწუხაროდ ასეა. ჩვენ კი ძალიან გვანაღვლებს," - განაცხადა სააკაშვილმა და აღნიშნა, რომ ის ხალხი, ვინც ადრე ადამიანებს სახლში უფარდებოდა და ხალხს აუთოვებდა, "გვიკითხავენ ლექციებს ძალადობაზე".

"ეს ხალხი იძახის, რომ ჩვენ ვართ ჩარეულები და ეს გვინდობდა. ჩვენ ეს წლები მოვახმარეთ იმას, რომ ერთხელ და სამუდამოდ ძალადობა განუყოფო გვერდით, რადგან ბავშვობიდან ყველაზე მეტად რაც მეზიზღება, ძალადობაა. დღეს ამ ხალხს ძველი სისტემის დაბრუნება უნდა. ჩვენ ვქმნით სისტემას, სადაც ადამიანი იზომება არა იმით, რამდენად შეუძლია თავზე ხელი აიღოს, რამდენი ფული აქვს, ან მის უკან რომელი კრიმინალური თუ სხვა სამყარო შეიძლება იდგეს. ადამიანი გაიზომება იმით, რამდენი აქვს ნაშრომი, ნასწავლი, როგორ უყვარს თავისი ქვეყანა," - განაცხადა სააკაშვილმა.

მისი თქმით, მთავარი გარანტია, რომ ქვეყანაში იქნება წესრიგი, არის არა პოლიცია და კომფორტული ციხე, არამედ ის, რამდენად დასაქმებული იქნება ხალხი.

"როცა ხალხი დასაქმებულია, იქ ციხეებიც დაცარიელდება და არც პოლიციას ექნება ბევრი საქმე," - დასძინა სააკაშვილმა. მისივე თქმით, ათწლეულების განმავლობაში, ერთი და იგივე, რამდენიმე ათასი ადამიანი წყვეტდა ყველაფერს, ცხოვრობდა ერთ ქუჩაზე, ერთ უბანში, ერთ სამეზობლოში, მარტო ისინი სწავლობდნენ უნივერსიტეტში, მარტო მათ ჰქონდათ სამსახურები, მარტო ისინი იყვნენ მინისტრები, თანამდებობის პირები და მარტო მათ მიუწვდებოდათ ხელი ხარისხიან ჯანდაცვაზე.

როგორც პრეზიდენტმა აღნიშნა, დღეს გარკვეული ძალები ამის აღდგენას ცდილობენ.

"იმითმ აღიზიანებს მათ ჩემი მთავრობა, რომ ჩვენ შემოვიტანეთ თანასწორობის იდეა საქართველოში, რომ დასაცინი და მეორეხარისხოვანი უბნები არ არსებობს," - განაცხადა სააკაშვილმა და დასძინა, რომ დღეს თბილისის ცენტრიც ვითარდება, თუმცა უფრო მეტად - გარეუბნები.

დავით ბაქრაძე დიპლომატებს შეხვდა

საქართველოს პარლამენტის თავმჯდომარე ქვეყანაში აკრედიტებულ დიპლომატებს შეხვდა. საუბრის მთავარი თემა წინასაარჩევნო გარემო და პროცესები იყო. დავით ბაქრაძის შეფასებით, მდგომარეობა დღეს პოლარიზებულია და ვითარების განმუხტავში მნიშვნელოვანი როლი საერთაშორისო სადამკვირვებლო მისიებსაც ეკუთვნით. "ძალიან მნიშვნელოვანია, რომ საერთაშორისო თანამეგობრობა რაც შეიძლება აქტიურად იყოს ჩართული ამ არჩევნებში და ეს არის ერთ-ერთი გარანტი და პირობა იმისა, რომ არჩევნები მართლაც ჩატარდება მშვიდ, წყნარ და დემოკრატიულ გარემოში. ამიტომ ჩვენი სურვილია, მჭიდროდ ვითანამშრომლოთ უცხოელ პარტნიორებთან," - განაცხადა შეხვედრის შემდეგ დავით ბაქრაძემ.

გიგა ბოკერია სამართალდამცავებს რეკომენდაციას აძლევს

უწყებათაშორისი კომისიის თავმჯდომარე გიგა ბოკერია სამართალდამცავ ორგანოებს დასჯის მსუბუქი ზომების გამოყენების რეკომენდაციას აძლევს, - ამის შესახებ უშიშროების საბჭოს მდივანმა გუშინდელ პრესკონფერენციაზე განაცხადა.

მისივე თქმით, მიუხედავად იმისა, რომ პოლიტიკური სუბიექტების მხრიდან ერთმანეთის მისამართით გზავნილები მკაცრი და აგრესიულია, ეს ძალიან მშვიდობიანი კამპანიაა.

"ეს არის ძალიან მნიშვნელოვანი ჩვენი დემოკრატიისთვის. ბოლო დღეების განმავლობაში შეინიშნება ძალადობრივი ინციდენტების ზრდის შემამოფოთებელი ტენდენცია. ჩვენი მონაცემებით, დაახლოებით, 30 ადამიანი ადმინისტრაციული წესით არის დაკავებული. არიან დაჯარიმებულებიც. მინდა, მოვუწოდო სამართალდამცავებს, მნიშვნელოვანია, ამ ძალადობის გავრცელება არ მოხდეს, მაგრამ სადაც შესაძლებელია, გამოყენებული იყოს დასჯის მსუბუქი ფორმები, მაგალითად ჯარიმა," - განაცხადა ბოკერიამ და აღნიშნა, რომ ეს არის უწყებათაშორისი კომისიის მკაფიო რეკომენდაცია სამართალდამცავებისადმი.

გიგა ბოკერია პოლიტიკურ ლიდერებს მოუწოდებს, მკაფიო გზავნილი მიანდონ თავიანთი აქტივისტებსა და მომხრეებს. "პოლიტიკური მრწამსისა და ოპონენტების შესახებ ნეგატიური შეხედულებების მიუხედავად, კატი გორიულად დაუშვებელია ძალადობა და მისი წახალისება. მშვიდობის შენარჩუნებასა და თავისუფალი და სამართლიანი არჩევნების ორგანიზებაში ყველაზე დიდი პასუხისმგებლობა ხელისუფლებას ეკისრება, მაგრამ ძირითად პოლიტიკურ პარტიებსაც აქვთ საკუთარი წილი სერიოზული პასუხისმგებლობა - რა ტიპის გადაწყვეტილებების წახალისებას მოახდენენ მომხრეებში. ჩემთვის მიუღებელია, როდესაც საუბარია, ერთი მხრივ, სიმშვიდე და იქვე აღინიშნება, რომ შეიძლება მათთვის მიუღებელი ხალხი ლინჩის წესით იყოს გასამართლებული და მათი დაცვა ვერ მოხერხდეს. მიუღებელია საუბარი იმაზეც, რომ პარტიების მომხრეები პასუხს აგებენ სამართლებრივად ამა თუ იმ პარტიის მხარდაჭერისთვის," - აღნიშნა ბოკერიამ.

მერაბიშვილი ქარელისა და გორის მოსახლეობას სანარმოების ამოქმედებას ჰპირდება

პრემიერ-მინისტრი ვანო მერაბიშვილი ქარელის მოსახლეობას - ხუთი ახალი სასოფლო-სამეურნეო სანარმოს გახსნას, გორელებს კი რვა ანალოგიური ტიპის სანარმოს ამოქმედებას ჰპირდება. მთავრობის სამოქმედო პროგრამითა და წინასაარჩევნო დაპირებებით მერაბიშვილი შიდა ქართლის რეგიონში გუშინ ჩავიდა, სადაც რამდენიმე მშენებარე და დასრულებული ობიექტი დაათვალიერა.

თავდაპირველად მერაბიშვილი ქარელს ესტუმრა, სადაც მშენებარე სპორტული კომპლექსი დაათვალიერა და ადგილობრივ მოსახლეობას შეხვდა. შეხვედრაზე პრემიერ-მინისტრმა ადგილობრივებს ახალი ოთხწლიანი სამთავრობო პროგრამა გააცნო და აღნიშნული პროგრამის პრიორიტეტებზე: უმუშევრობის შემცირებაზე, სოფლის მხარდაჭერაზე, ხელმისაწვდომ ჯანდაცვასა და 1000-ლარიანი ვაუჩერზე ისაუბრა.

ქარელის შემდეგ პრემიერ-მინისტრმა გორში, გორიჯვართან მისასვლელი გზის მშენებლობა დაათვალიერა; გზატკეცილის სიგრძე 1500 მეტრს შეადგენს, რომლიდანაც 900 მეტრი ბუტონის საფარი იქნება. გზის გასწვრივ სანიაღვრე არხებისა და ფეხით მოსიარულეთათვის ტროტუარების მოწყობა იგეგმება.

გორის ცენტრში პრემიერ-მინისტრმა აკაკი წერეთლის ქუჩა გახსნა, რომელსაც რეაბილიტაცია ჩაუტარდა. გორის რეაბილიტაციის ფარგლებში წერეთლის ქუჩაზე აღდგენილი სამუშაოები ჩაუტარდა 53 სახლს, მილიანად გამოიცვალა კომუნიკაციები და დაიკო ქვაფენილი.

მოგვიანებით პრემიერ-მინისტრმა გორში მარცვლეულის საშრობიც გახსნა. ადგილობრივ ფერმერებთან საუბრის დროს მერაბიშვილმა ყურადღება მსგავსი ტიპის სასოფლო-სამეურნეო სანარმოების გაკეთების მნიშვნელობაზე გაამახვილა.

გორის მარცვლეულის საშრობი თანამედროვე ტექნოლოგიებითაა აღჭურვილი და საათში - 30 ტონა სიმინდის, ხოლო დღე-ღამის განმავლობაში 500-600 ტონა სიმინდის გაშრობა შეუძლია.

უნბრეთის პრემიერ-მინისტრი სააკაშვილს შეხვდა

უნგრეთის პრემიერ-მინისტრი ვიქტორ ორბანი საქართველოში ვიზიტს განაგრძობს. გუშინ ორბანი ჩამოსვლისთანავე გამართა მოედანზე მივიდა და საქართველოს ერთიანობისთვის დადუპულ გმირთა მემორიალი გვირგვინით შეამკო. ვიქტორ ორბანს მასპინძლობას თბილისის საკრებულოს თავმჯდომარე ზაალ სამადაშვილი უწევდა.

გმირთა მოედნიდან ვიქტორ ორბანი პრეზიდენტის რეზიდენციაში გაემგზავრა. ოფი-

ციალური დახვედრის ცერემონიალის შემდეგ სააკაშვილმა და ორბანმა პირისპირ მოლაპარაკება გამართეს.

პრეზიდენტის ადმინისტრაციის ცნობით, დახურულ მოლაპარაკებაზე უნგრეთის პრემიერმა საქართველოს ტერიტორიული მთლიანობისა და სუვერენიტეტის სრული მხარდაჭერა გამოხატა. ამასთან, ადმინისტრაციის ინფორმაციით, ორბანმა განსაკუთრებით ის დემოკრატიული რეფორმები აღნიშნა, რომ-

ლებიც ქვეყანაში ბოლო წლებში გატარდა.

უნგრული მხარე სოფლის მეურნეობის სფეროში ერთობლივი პროექტების განხორციელების სურვილს გამოთქვამს. გუშინვე საქართველოსა და უნგრეთის სოფლის მეურნეობის სამინისტროებმა თანამშრომლობის მემორანდუმი გააფორმეს.

საქართველოში ვიზიტის ფარგლებში ორბანი ქართველ კოლეგა ვანო მერაბიშვილს და ქუთაისში, მთავრობის სახლში

პარლამენტის თავმჯდომარე დავით ბაქრაძეს შეხვდება. ორბანი პარლამენტის ახალ შენობასაც ეწვევა, რომელსაც პარლამენტის ვიცე-სპიკერ რუსუდან კერვალიშვილთან ერთად დაათვალიერებს.

დღეს უნგრეთის პრემიერ-მინისტრი ქუთაისის დავით აღმაშენებლის საერთაშორისო აეროპორტის გახსნის ცერემონიაშიც მიიღებს მონაწილეობას.

საკუთარი ინფორმაცია

"ეს ფაზრიკაცია"

"ქართული ოცნების" სიის პირველი ნომერი კახა კალაძე შინაგან საქმეთა სამინისტროს მიერ გამოქვეყნებულ მასალებს სისულელეს უწოდებს.

"არ ვიცი, ამ სისულელებზე ღირს თუ არა კომენტარის გაკეთება. ქურდებს და ქურდულ სამყაროს" რაც შეეხება, დიახ, მე მათ ნამდვილად ვიცნობ და ისინი გახლავთ მიხეილ სააკაშვილი და ვანო მერაბიშვილი," - განაცხადა კახა კალაძემ.

მოგვიანებით "ქართული ოცნების" ქუთაისის მაჟორიტარი დეპუტატობის კანდიდატი გუბაზ სანიკიძე კი შსს-ს მიერ გავრცელებულ აუდიოჩანაწერს ფაბრიკაციას უწოდებს.

"ქურდებთან ცხოვრებაში არ მქონია ურთიერთობა, აბსოლუტურად სხვა გარემოში გაიზარდე. ეს სააკაშვილის ხელისუფლების ფაბრიკაციაა. რა "კანონიერი ქურდის" ციხიდან გამოყვანა? ესაა სისულელე, სიბრყვე და სააკაშვილის ხელისუფლების აგონია," - განაცხადა გუბაზ სანიკიძემ, რომლის თქმითაც, ვალერი ხაბურძანიძე მისი ბავშვობის მეგობარია.

"ვალერი ხაბურძანიძე ჩემი ბავშვობის მეგობარია. რამდენადაც მასსოვს, ხაბურძანიძე ვარდების რევოლუციის" გმირი იყო, ახლა როდის აქეთ გახდა დამნაშავე?" - განაცხადა გუბაზ სანიკიძემ.

"ქართული ოცნების" მაჟორიტარობის კანდიდატი ზუგდიდში ირაკლი ალასანიძე შს სამინისტროს მიერ გუშინ გავრცელებულ მასალებს სისულელეს და ფაბრიკაციას უწოდებს.

"ეს არის სისულელე, ეს არის სრული ფაბრიკაცია. ბოლო დღეების განმავლობაში სააკაშვილი, მერაბიშვილი, უგულავა, კუდ-ის თანამშრომლები ჩამოსხდნენ და ყველა მასალის, რაც კი უკანონოდ ჩანერილი ჰქონდათ, დამონტაჟება დაიწყეს. დამთავრებულია მათი საქმე, 1 ოქტომბერს, ფაქტობრივად, ხალხის ნება გაფორმდება და ყველა ეს საქმე - უკანონო თვალთვალის, უკანონო ჩანერების და ფაბრიკაციების, გამოძიებული იქნება და ჩემ მიერ ჩამოთვლილ პირებს სისხლის სამართლის პასუხისმგებლობა დაეკისრებათ," - განაცხადა ალასანიძემ.

"ეროვნულ-დემოკრატიული პარტიის" თავმჯდომარის მოადგილე გურამ ჩახვაძე აცხადებს: "ჩემს მოქალაქეებს მივმართავ და ვუბნობ: არსებობს ანდაზა - ვაის გავეყარე და უის შევეყარე. ეს არჩევანი უნდა გაკეთდეს."

"ლიბერლისტული პარტიის" ლიდერი შალვა ნათელაშვილი შინაგან საქმეთა სამინისტროს მიერ გავრცელებულ ფარულ ვიდეოჩანაწერებს, სააკაშვილის ჩვეულ ტელეპროგნოზს აფასებს. ნათელაშვილი იხსენებს, რომ მსგავსი ტელეპროგნოზიკაცია მის წინააღმდეგაც განხორციელდა და ის, რაც დღეს საზოგადოებამ იხილა, სისულელეა. "ე.წ. კანონიერი ქურდიც, პროფესორიც და მწერალიც ჩვენი მოქალაქეა და პოლიტიკოსი შეიძლება, ყველას შეხვდეს და ესაუბროს. დღეს შინაგან საქმეთა სამინისტრომ გამოაქვეყნა სააკაშვილის მექსიკური სერიალების 905-ე სერია," - განაცხადა შალვა ნათელაშვილმა. პარტია "ახალი დემოკრატების" თავმჯდომარე დავით გამყრელიძის განცხადებით, არჩევნებამდე 5 დღით ადრე პარტია ორგანიზაციულადაც და სტრუქტურულადაც სასურველი შედეგის მისაღწევად სრულ მზადყოფნაშია.

"ამ უკიდურესი დაპირისპირების და კომპრომატების ომის ფონზე ძალიან ბევრია ამომრჩეველი, რომელიც ორივე მხარეს ემიჯნება და სიმშვიდის და სტაბილურობის სასარგებლოდ აკეთებს არჩევანს. მთავარია, ბოლო ოცი წლის მანძილზე ერთხელ მაინც მივალნით, რომ საქართველოში დაბალანსებული პარლამენტი გვყავდეს და ქვეყნის ერთპიროვნულად მართვა აღარავის შეეძლოს," - განაცხადა დავით გამყრელიძემ.

შსს "პროფესიული ინოვაციების კოლექტი" პროფესიულ სტუდენტთა აცხადებს მიღებას შემდეგ სპეციალობებზე:

ბულალტრის მესამე საფეხური - 35 ადგილი; ბულალტრის მეოთხე საფეხური - 35 ადგილი; საბაჟო წარმომადგენლის (სასაქონლო ოპერაციების სპეციალისტი) მესამე საფეხური - 80 ადგილი; ტუროპერატორის მესამე საფეხური - 80 ადგილი; ტუროპერატორის მეოთხე საფეხური - 70 ადგილი; ინფორმაციული ტექნოლოგიის მესამე საფეხური - 50 ადგილი; ფარმაცევტის თანამშრომლის მეხუთე საფეხური - 70 ადგილი; ექთნის თანამშრომლის მესამე საფეხური - 34 ადგილი; მასაჟისტი - 50 ადგილი.

აღსანიშნავია, რომ "პროფესიული ინოვაციების კოლექტი" გაფორმებული აქვს ურთიერთთანამშრომლობის მემორანდუმს სხვადასხვა უწყებებთან, რომლებიც უზრუნველყოფენ პროფესიული სტუდენტებისთვის სანარმოო პრაქტიკის ჩატარებას, ხოლო სწავლის დასრულების შემდეგ პარტნიორი დაწესებულებები ხელს შეუწყობენ კურსდამთავრებულთა დასაქმებას. ეს უწყებებია: შემოსავლების სამსახური, "ვერსი", "ტაოპრიატბანკი", აკადემიკოს ნ. ყიფშიძის სახელობის ცენტრალური საუნივერსიტეტო კლინიკა, ტურისტული სააგენტო შსს "ვერიკა", შსს "ჯი თი ექსპრესს სერვისი", ბულალტრული ფირმა შსს "ბასტიონი" და კომპიუტერული ფირმა შსს "აი ტი აი". დაინტერესებულმა პირებმა (ჩარიცხვის მსურველებმა) 27 სექტემბრის ჩათვლით შსს "პროფესიული ინოვაციების კოლექტი" უნდა წარადგინონ: განცხადება (კოლექტი შესაბამის სპეციალობაზე მიღებასთან დაკავშირებით); პირადობის მოწმობის ასლი (არასრულწლოვანი პირის შემთხვევაში დაბადების მოწმობის ასლი და კანონიერი წარმომადგენლის (დედა, მამა, მეურვე) პირადობის მოწმობის ასლი); ორი ფოტოსურათი 3X4-ზე; სრული ზოგადი საბაზო ან საშუალო საფეხურის განათლების მიღების დამადასტურებელი დოკუმენტი; მომსახურების საფასურის 50 (ორმოცდაათი) ლარის შსს "პროფესიული ინოვაციების კოლექტის" საბანკო ანგარიშზე ჩარიცხვის დამადასტურებელი დოკუმენტი. დამატებითი ინფორმაციისთვის მოგვმართეთ: თბილისი ალ. ყაზბეგის გამზარი 47, ტელ: 790 11 96 96, 790 11 69 69; ვებ-გვერდი: www.pic.com.ge

შსს ახალ ჩანაწერებს აქვეყნებს

პირველი ჩანაწერიდან

ფარული ჩანაწერების გამოქვეყნებიდან რამდენიმე საათში შსს-მ კიდევ ერთი ინფორმაცია გავრცელა, ამჯერად, მათ მიერ აუდიოჩანაწერში დამუშეული ტექნიკური ხარვეზის შესახებ, რისი გასწორებაც უწინასწარ ტებს სთხოვა: "ჩვენს მიერ დღეს გავრცელებულ ფარულ აუდიოჩანაწერში გაიპარა ტექნიკური შეცდომა. ადამიანი, რომელიც საუბრობს დათო ხიზანიშვილად არის არა გიორგი უგულავა, არამედ გივი ბლიაძე. გივი ბლიაძის ფოტოს და გთხოვთ, თქვენს ინფორმაციებში შესწორეთ აღნიშნული ხარვეზი".

სრულად გთავაზობთ შსს-ს მიერ გავრცელებულ ფარულ სატელეფონო ჩანაწერებს.

კახა კალაძის და უცხო პირის საუბარი

- იმ დღეს მე რომ ჩავდი იმათთან დავიძინე ცოტა და მერე ჩავდიდი ქვე-მთა რაა და რვა სული ქურდი "სიმონ" ჩემუხტუნენ, გადამუხვივინენ, გადამკოცნენ და აბა თქვენ იცითო!
- ქუთაისლები იყვნენ?
- კი ჩაკვეტაძე, ნემსინვერაძე, თელაძე...
- ხო...
- კი
- არსენას ბიჭი ხო?
- ა? ხო
- არსენას ბიჭი, ჯემალი
- რომ ვთქვი, რომ ცუდი ამბავია მეტი, ვინმემ ხომ არ გადაალო მეტი არა...

გუბაზ სანიკიძე და ვალერი ხაბურძანიძე

- ვალერი, აგერ ასეთი ამბავი, მოსკოვში ზის ქუთაისელი ქურდი...
- მერ რა გინდა?
- ხოდა, რაღაცა პერეპალობებში გაება რა, დედ შანანას და იმის იმაში, მაგი არის ამერიკაში. გრინ კარტა აქვს და ცხოვრობს იქ. მიუსაჯეს ცხრა წელი. მოკლედ, გამოსვლა უნდა და წამოსვლა უნდა და ჩვენ შეგვიძლია რამე გავაკეთოთ რომ გამოუშვათ?
- შეიძლება!
- შოო?
- ამერიკაში წავა?
- ადგება და წავა, აღარ გამეიხედავს აქეთ...
- დაახლოებით შენ რას ფიქრობ... დასაღებია
- რა ვიცი, რასაც მეტყვი
- მე ვუთხრა? მე უნდა ვუთხრა ვის, ვის უნდა ვეკონტაქტო? მე შენ ჩემ ნომერს იმას იზამ...
- შენ სადმდე ხარ აქ?
- მე ხვალ მივდივარ
- ეშუ
- არაა პრობლემა, შენ დაგელაპარაკები და მეტყვი რომ რაღაც ვიროსი აქვს ვახის და ასე "ცინებებს"...
- დაგინერ რაღაცას ფურცელზე და სკაიპში გაჩვენებ...
- ვინ არის ის საკონტაქტო ხომ



ინერება...

- არა ქუთაისელია ეს ბიჭი ვალერა. ვალერი მარგინი შეიძლება იცი, კაი ბიჭია
- მე ჯერ მოვიკითხავ. და შენ მერე შეგატყობინებ რო ისა რა ქვია რა კი თქო.
- იმ საქმეზე "ბიჭია"
- შო. კი თქო. გეტყვი რა რომ შეიძლება ბიზნესის გაკეთება და ეს კაცი დამიკავშირდეს-თქო რა.
- შო
- და ამ კაცს კიდევ დაუუკავშირდი და მიცემენ ჩემს ტელეფონს და დამირეკოს მე.
- ის მოგტყბის შენ
- შო, ვსითო
- შოდა შენ უთხარი ის, რაც არის
- შო, ხარაშო

დავით ხიზანიშვილი "კანონიერი ქურდი" და გივი ბლიაძე

- რა არის ბიჭო, შენ რეებს აკეთებ, რა "ნაციონალები" და არა "ნაციონალები", რამე ხომ არ გეშლება...
- არა დავით, ეგ რა შუაშია...
- აბა, რატომ ახსენე ეგ სიტყვები...
- არა, დავით როდის ვახსენე, აგერ მე და ანზორა ვართ ერთად, რა "ნაციონალები"...
- დამახსოვთ თქვენი "ნაციონალები" ერთ ადგილზე, შენ გაჩვენებ "ნაციონალებს", შე, მაიმუნო შენა... ბიჭო, ზედმეტი მოგდის გაიგე? გადაგიგლოჯავ მაგ თავს ბიჭო, გაიგე? არაფერი შეგეძლოს...
- არა, "ხიზანი", რეებს ამბობ, რატომ მეუბნები მაგას, არ ყოფილა, ამ მითქვამს ეგეთი არაფერი...

ვოვა ერემიანი და ლევან რევიშვილი "კრიმინალური ავტორიტეტი"

- ლევან, "ზდაროვა", ვოვა ვარ
- "ზდაროვა" ძმა, რავა ხარ
- ბიჭო, მომისმინე, "ხიზანი" რაც დამავადა, ყველაფერი ხუთიანზე შევასრულე რა, "300 არაგველებზე", მეტყვის უბანში, წურწურშიაზე ხალხი "იმენო" "ოცნებას" აძლევს ხმას...

- აპა, კარგია, კარგი, ჯიგარი ხარ...

- ბიჭო, ავლაბარი და ელია შენი საჩალიჩოა ხომ იცი
- კი, კი ლევან, იმენა ყველაფერს ვაკეთებ რა...
- ლევან რევიშვილი კრიმინალური ავტორიტეტი" და ზაზა ჯიმიტაშვილი
- ალო, ზაზა როგორ ხარ
- ხო ლევან, კარგად შენ როგორ ხარ "ბრატ"
- ბიჭო, მომისმინე ერთი, ეს დედა მოტ... რა, "ხიზანი" რომ გელაპარაკა, რა ხდება მაგ საქმესთან დაკავშირებით, ჩემი ძმა ერთი მითხარი რა, ჩემი დედა ვატირე რა...
- რავი, მაქსიმალურად ვცდილობ ყველაფერს რა, ყველაფერი კარგად იქნება.
- ბიჭო, მომისმინე რა, ეს შენი ტიპები უნდა გადმოქაჩო "ოცნებისკენ", უეჭველი... - ვეცდები არ გამაგონო ჩემი დედა მოტყე... რაა, კაცზე სიტყვა გაქვს ნათქვამი... ეს სიტყვა უნდა შესრულდეს და ეგ საქმე უნდა გაკეთდეს რა...
- კი, "ბრატ", ბოზ...შვილი ვიყო ყველაწარად ვეცდები რა ძმაო...

ლევან რევიშვილი "კრიმინალური ავტორიტეტი" და უცნობი პიროვნება

- რავა ხარ ჩემი ძმა შემოგველე...
- კარგად, კარგად, შენ?
- რა ვიცი "ბრატ", ვარ რა ნელ-ნელა... ბიჭო რაზე გირეკავდე...
- "ხიზანას" უნდა "პავლოვიჩთან" (შსს-ს განცხადებით, ლამა მუშანაშვილი) დალაპარაკება და ტელეფონიც გამოირეკოს აქვს "პავლოვიჩს" "სიმონ" და სკაიპშიც არ შემოსულა და რა ქვენა როგორ მოვიტყე?
- რა ხდება?
- აი, ბიჭო, იმ საქმეზე, არაფერი რა... რაც უთხრა "კაროჩე" ის ყველაფერი დალადა და გააკეთა რა და დალაპარაკება უნდა რა... უნდა რა "ვაფშე" დალაპარაკება...
- აზრზე ვარ მაგ "ზაზარზე" ბიჭო. "კაროჩე" რა... მაგათ ის თემები

უჭირთ ბიჭო მარნეული და აზერების "ზაზარი" და "ვაფშე" ახალციხის და "კაროჩე" რა... ის ნახე რომ გამოვუშვით ორი ავტობუსი? ბიძინა, ბიძინა რომ ვაძახებინეთ?

- კი, კი ჯიგარულად, შენ შემოგველოს ჩემი თავი... ძმაო, ყველაფერი "საკაფოლ" რა... ბიჭო, მაგრად მენატრები ტო...
- აუ, მეც მაგრად მომენატრე "ბრატ" და მალე მე მგონი განახე რა და "ვაფშე" ისეთი "ზაზარია" "პავლოვიჩი" იხახის სამშო "კაროჩე, ოქტომბერსო, "იმენა" თბილისში ვიქნებიო რა... თუ გამოვიდა ნამოვლით და ნამოვალთ რა მაგის დედაც...
- შემოგველეთ ძმაო, შემოგველეთ! მიდით ძმაო და ჩვენ აქ დაგვდებით რა...
- აღარ არის დრო... "კაროჩე" რა...
- კი ძმაო, რას ამბობ, შენ შემოგველეთ ტო... ჯიგარი ხარ რა...
- ყველაფერი ჯიგარულად იქნება...

გუშინ, მოგვიანებით ცნობილი გახდა, რომ გამოქვეყნებულ ჩანაწერებში "კრიმინალური ავტორიტეტად" მოხსენიებულმა ლევან რევიშვილმა, რომელიც, ადრე ნასამართლევი არ ყოფილა, გამოძიებასთან ითანადაცის პროგრამით სარგებლობს. მოგვიანებით, ლევან რევიშვილი თაობაზე კიდევ ერთი ინფორმაცია გავრცელდა, რომლის მიხედვითაც, "კრიმინალური ავტორიტეტად" მოხსენიებული ლევან რევიშვილი "ნაციონალური მოძრაობის" კოორდინატორია. გავრცელდა ფოტოებიც, სადაც რევიშვილს "ნაციონალების" მისური აცვია.

სააგენტო "ინტერპრესნიუსის" მიერ გავრცელებული ინფორმაციით, შსს-ს აუდიოჩანაწერში კრიმინალური ავტორიტეტად მოხსენიებული ლევან რევიშვილის მეზობლები ინფორმაციით გაკვირვებულნი არიან. როგორც "ინტერპრესნიუსის" ვარკეთილში მცხოვრები ლევან რევიშვილის მეზობლებმა განუცხადეს, მისი კრიმინალობის შესახებ ინფორმაცია არ აქვთ, თუმცა იციან, რომ რევიშვილი "ნაციონალური მოძრაობის" მეკრებზე დადიოდა. ერთ-ერთი მეზობლის თქმით, რევიშვილი ხშირად ჩანს ტელეკადრებში გივი უგულავასთან და "ნაციონალური მოძრაობის" სხვა ლიდერებთან ერთად მოსახლეობასთან გამართული შეხვედრების დროს.

"მისი კრიმინალობა არავის სენია. არაჩვეულებრივი ოჯახი ჰყავს. მისი მუდღე მასწავლებელია," - აცხადებენ მეზობლები. სააგენტოს სურნალისტიკით ეცადნენ რევიშვილის ოჯახის წევრებთან გასაუბრებას, თუმცა სახლში არავინ იყო.

გავრცელებული ინფორმაცია რევიშვილის კოორდინატობის შესახებ "ნაციონალური მოძრაობის" პრესსპიკერმა ჩიორა თაქთაქიშვილმა კატეგორიულად უარყო.

ფრანგული მხარის უკმაყოფილება და ქართული განმარტება

პირველი ჩანაწერიდან

ქართველ ოპოზიციონერსა და საფრანგეთში მოქმედ ქართული წარმომავლობის კრიმინალურ ჯგუფებს შორის შესაძლო გარიგებას ეხება. საფრანგეთის ხელისუფლებას ამ ინფორმაციის გამოქვეყნების ნებაერთვა არ გაუცია. ამ საქმის გამოყენება, შესაძლოა, არჩევნების წარმატებით ჩატარებაზე იმოქმედოს თუ გავითვალისწინებთ ბოლო დღეებში გავრცელებულ ინფორმაციებს, საქართველოს გამო სასწორებელ დაწესებულებებში წამების შესახებ. საფრანგეთი საქართველოს ხელისუფლებას კვლავ მოუწოდებს, ყველაფერი იღონოს ითვასათვის, რომ არჩევნები მშვიდ გარემოში ჩატარდეს," - ნათქვამია საფრანგეთის საგარეო უწყების ოფიციალურ განცხადებაში.

საქართველოს ოუსტიციის სამინისტროსა და მთავარ პროკურატურას განმარტავენ, რომ ქართულ მხარეს საფრანგეთის შესაბამისი უწყებების წინაშე ინფორმაციის კონფიდენციალურობასთან დაკავშირებით ვალდებულება არ აუღია და ეს თხოვნა არც საფრანგეთის სასამართლოს და ეროვნული უსაფრანგეთის მხრიდან ყოფილა. "საფრანგეთის ეროვ-

ნულ უსაფრანგეთის, კომპეტენტურ უწყებას საფრანგეთის მხრიდან, რომელთანაც ბოლო პერიოდში აქტიური თანამშრომლობა გვექონდა, მადლობა მინდა გადავუხადო მონოდებული ინფორმაციისთვის და განუხელი თანამშრომლობისათვის. ამავდროულად, გაკვირვებული ვარ საფრანგეთის საგარეო საქმეთა სამინისტროს განცხადებით. საქმეშია, რომ დიპლომატიური სტრუქტურები საქართველოსა და საფრანგეთის ამ თანამშრომლობაში ჩართული არ ყოფილან. თანამშრომლობა და ურთიერთდახმარება განხორციელდა ევროპული კონვენციის თანახმად. კერძოდ, ამ კონვენციის მე-13 მუხლი პირდაპირ ითვასათვის, რომ ქვეყნის კომპეტენტური უწყებების პირდაპირ კომუნიკაციას და თანამშრომლობას, განმარტავს თინა ბურჯალიანი. მისივე თქმით, სამართლებრივი დახმარების თხოვნა, რომელიც საქართველოს პროკურატურამ გაუგზავნა საფრანგეთის სასამართლოს, სრულად დაკმაყოფილდა.

რაც შეეხება საფრანგეთის ეროვნული უსაფრანგეთის მიერ ინფორმაციის ფაქტით მონოდებას, თინა ბურჯალიანი მასალების ამ ფორმით მიღებას მის მნიშვნელობას უკავშირებს.

ოუსტიციის მინისტრის მოადგილის თქმით, სამინისტროს ხელთ აქვს ყველა ინფორმაციის ორიგინალი. სწრაფი კომუნიკაციის საშუალება კი სწორედ იმიტომ იყო გამოყენებული, რომ უაღრესად მნიშვნელოვანი ინფორმაცია საქართველოს მთავარ პროკურატურას, რაც შეიძლება სწრაფად უნდა მიეღო, რადგან საქმე ეხება ეროვნული უსაფრთხოების მნიშვნელოვან საკითხებს და ასევე, საჯარო პირების შესაძლო დანაშაულებრივ ქმედებებს. "შემიძლია, წარმოვადგინო ორიგინალი დოკუმენტის თავსართი ნეილი, რომელიც ადასტურებს, რომ ინფორმაცია გადმოგზავნილია ეროვნული უსაფრანგეთის მხრიდან და არაწინაპირი მოთხოვნა კონფიდენციალურობის შესახებ არ არის," - აცხადებს ოუსტიციის მინისტრის მოადგილე. მისივე ინფორმაციით, უსაფრანგეთის მიერ მონოდებული მასალა საკმაოდ ვრცელი მოცულობის არის, მიმდინარეობს მისი დამუშავება და შესაბამისი ორგანოები, საჯარო უსაფრანგეთის საზოგადოებას მიაწვდიან.

საქართველოს ოუსტიციის მინისტრის მოადგილის საპასუხოდ, საფრანგეთის ელჩმა რენე სალენსმა განაცხადა, რომ საიდუმლო ინფორმაცია, რომელიც ქვეყნებს შორის იცვ-

ლებს, არ შეიძლება საზოგადოებისთვის ღია იყოს. ელჩის განმარტებით, როგორც სხვა ქვეყნებს შორის, ასევე, საქართველოსა და საფრანგეთის შორის არსებობს ურთიერთანამშრომლობა კრიმინალთან ბრძოლაში და ქვეყნებს შორის ხდება ინფორმაციის გაცვლა. ზოგიერთი ინფორმაცია კი რომელიც იცვლება, ხშირად ეს ეხება სიმართლის დადგენას.

"არ არის საჭირო, ზოგიერთი ინფორმაცია საზოგადოებამ იცოდეს და მათ შორის უსაფრანგეთის მხრიდან და არ უნდა მოიპოვონ ის. მასალები მხოლოდ გამოძიებისთვის არის და საიდუმლო ინფორმაციად ითვლება, ამიტომ არ უნდა განხილდეს," - განაცხადა რენე სალენსმა.

ხელისუფლების წარმომადგენლები ირწმუნებიან, რომ ქართულ მხარეს სურველი უფლება ჰქონდა, თავისი კომპეტენტის ფარგლებში ვიდეო-მასალები გაესაჯაროებინა, რადგან საქმე ეხებოდა მძიმე დანაშაულს.

"ქართველი სამართალდამცველები ქართული კანონმდებლობით მოქმედებენ და არა ფრანგული კანონმდებლობით," - ასეთია ხელისუფლების წარმომადგენლების პოზიცია.

ბანკების მოგება მსირდება

ინოვაციური ბანკების მოგება

კომერციული ბანკების მოგება მცირდება. საქართველოს ეროვნული ბანკის ოფიციალური მონაცემების თანახმად, მიმდინარე წლის რვა თვეში ბანკების წმინდა მოგებამ 114 მილიონი ლარი შეადგინა, რაც გასული წლის იმავე პერიოდის მაჩვენებელზე თითქმის 70 მილიონი ლარით ნაკლებია.

ექსპერტთა ნაწილი მოგების შემცირების რამდენიმე მიზეზზე საუბრობს. ეკონომიკური პრობლემების კვლევის ცენტრის განცხადებით, მოგების შემცირებაზე გარკვეული გავლენა წინასაარჩევნო პერიოდსაც აქვს. ეკონომიკური პრობლემების კვლევის ცენტრის წარმომადგენელთა თქმით, საბანკო სექტორის მდგომარეობის ცვლილება და დამძიმება ეროვნული ბანკის მიერ კანონმდებლობაში განხორციელებულმა ცვლილებებმა გამოიწვია. მათივე თქმით, ეკონომიკაში რისკები და აქტივობები შეფერხებულია, რის გამოც ბანკებმა ვერ მოახერხეს თანხების მოზიდვა. ცენტრის ექსპერტების ინფორმაციით, საბანკო სექტორის მოგებას გამოეთიშა "ბანკი ქართუ", რომელსაც საკმაოდ სოლიდური მაჩვენებლები ჰქონდა.

გარდა ამისა, პლასტიკური ბარათების ტრანზაქციები, ავვისტოს მონაცემების მიხედვით, 35,863 მილიონი ლარით შემცირდა. ეროვნული ბანკის ინფორმაციით, მიმდინარე წლის ავვისტოში ქართული კომერციული ბანკების მიერ ემიტირებული პლასტიკური ბარათების 732,126 მლნ ლარის ოპერაციები შესრულდა, რაც, ივლისთან შედარებით, 35,863 მლნ ლარით არის შემცირებული. ივლისში პლასტიკური ბარათების მფლობელებმა 767,989 მლნ ლარის ოპერაციები შესრულეს.

ავვისტოში შესრულებული ოპერაციებიდან, 697,777 მლნ ლარის ტრანზაქციები საქართველოს ტერიტორიაზე შესრულებული, ხოლო 34,348 მლნ ლარის - საზღვარგარეთ.

ქვეყნის ტერიტორიაზე შესრულებული ოპერაციებიდან 484,737 მლნ ლარის ბანკომატების საშუალებით არის შესრულებული, 45,398 მლნ ლარის - ბანკებში არსებული პოსტერმინალებით, ხოლო 167,643 მლნ ლარის - სავაჭრო ობიექტებში არსებული პოსტერმინალებით.

ალსანიშნავია ისიც, რომ 15 სექტემბრიდან საქართველოს კომერციული ბანკები ვალდებული არიან, საკუთარ ბანკომატებში, უცხოური ან ადგილობრივი ბარათებით ოპერაციებისას, ამოიკითხონ და შეინახონ ინფორმაცია ბარათის მფლობელის სახელისა და გვარის შესახებ. ასეთი შინაარსის წერილობითი მოთხოვნა ცოტა ხნის წინ საქართველოს ეროვნულმა ბანკმა (სებ) ქვეყნის ფინანსურ ინსტიტუტებს გაუგზავნა. სებ-ის ამ რეგულაციას კონკრეტული შედეგი უკვე მოჰყვა, მაგალითად ბანკმა "ქართუმ" განაცხადა, რომ ამიერიდან თავის ბანკომატებში სხვა ბანკების ბარათებს ვეღარ გაანაღდებს.

ბანკი "ქართუს" ვებგვერდზე გამოქვეყნებულ განცხადებაში აღნიშნულია, რომ მათი საპროცესინგო ცენტრის საბარათო ბიზნესის მუშაობა მსოფლიოში ერთ-ერთი უდიდესი კომპანიის, ACI Worldwide Ltd-ის პროგრამულ უზრუნველყოფაზე დაფუძნებული, რომელიც არ ითვალისწინებს ბანკომატებსა და ტერმინალებში გამოყენებისას უცხოური ბარათების კლიენტის სახელისა და გვარის რეგისტრაციას. ბანკში ასევე ამბობენ, რომ მომხმარებელს, უსაფრთხოების მიზნით, ყველა ოპერაციაზე ერთჯერადი, დინამიკური პაროლი ეგზავნება და პროცესინგისთვის მეორეხარისხიანი ინფორმაციის ნაკითხვა გათ-



ვალისწინებული არ არის.

სებ-ის ინსტრუქციების შესრულებლობისთვის რაიმე სანქციის ასარიდებლად "ქართუ" იძულებული გახდა, 15 სექტემბრიდან გაეთიშა მის ბანკომატებში როგორც უცხოური, ისე ადგილობრივი ბარათების განაღდების შესაძლებლობა. ეს შეზღუდვა "ქართუს" მიერ გამოშვებულ პლასტიკურ ბარათებზე არ ვრცელდება.

"ახალგაზრდა ბიზნესმენთა და ფინანსისტთა ასოციაციაში" მიაჩნიათ, რომ ეროვნული ბანკის ეს რეგულაცია უკანონო კონტროლის კიდევ ერთი მექანიზმია.

საქართველოს ეროვნული ბანკის განცხადებით, "საქართველოს ეროვნული ბანკი ვალდებულია, გაითვალისწინოს ევროპის საბჭოს ფულის გათვრების წინააღმდეგ მიმართულ ღონისძიებათა შემფასებელ რჩეულ ექსპერტთა კომიტეტის (Moneyval) რეკომენდაციები. ისინი მსოფლიოში ტერორიზმის დაფინანსებისა და ფულის გათვრების წინააღმდეგ საბრძოლველად არის

მიმართული.

საერთაშორისო სტანდარტების თანახმად, ნებისმიერი ტრანზაქცია საკრედიტო ან სადებეტო ბარათების მეშვეობით იმგვარად უნდა განხორციელდეს, რომ უზრუნველყოფილ იქნას ბარათის მფლობელის საიდენტიფიკაციო მონაცემების ასახვა და შენახვა. საქართველოს ეროვნულმა ბანკმა კონსულტაციები გამართა "ვიზას" და "მასტერკარდთან" და მიიღო მათგან დასტური, რომ ეს მითითება არ ეწინააღმდეგება მონაცემთა დაცვის სტანდარტებს. ეროვნულ ბანკს არ მოუთხოვია არც ერთი კომერციული ბანკისთვის თავის ბანკომატებში უცხოური და ადგილობრივი ბარათების განაღდების შესაძლებლობის გათიშვა და მითითების შესრულებლობა არც რაიმე სანქციის ავტომატურ რეჟიმში დაწესებას გულისხმობდა. შესაბამისად, ეროვნული ბანკის წერილობითი მითითება არ უქმნის საფრთხეს საბანკო ბარათების მფლობელებს, თუ კომერციულმა ბანკმა თავად არ გადაწყვი-

ქართული თხილი, მეორე პოზიცია საქსპორტო ათეულში

სოფო ჩხლაძე

ადგილობრივი წარმოების თხილი საქართველოს საექსპორტო პროდუქციის ათეულში ისევ მონაწილე ადგილზეა. "საქსტატის" მონაცემებით, ამ წამონათვალში პირველ ადგილზე მსუბუქი ავტომობილების ექსპორტია, შემდეგ მოდის ფეროშენადნობები, აზოტოვანი სასუქი, თხილი და კაკალი.

ალსანიშნავია, რომ ქართული თხილის წილი მთლიან ექსპორტში ერთი წლის მანძილზე გაორმაგდა და 3,7 პროცენტი შეადგინა.

"საქსტატის" მონაცემებით, 2012 წლის იანვარ-აპრილში ექსპორტზე 57,732 მლნ აშშ დოლარის ოდენობის ქართული თხილი გავიდა, 2011 წლის იანვარ-აპრილში კი 28,887 მლნ აშშ დოლარის ოდენობის პროდუქციაა ექსპორტირებული.

ქართულ თხილს ადგილობრივი ბაზარი ძალიან მცირე რაოდენობით მოიხმარს - 1-2 პროცენტამდე. მისი დიდი ნაწილი - 98-99 პროცენტი ექსპორტზე როგორც ევროპის, ისე აზიის ქვეყნებში გადის. ქართულ ნაწარმს ყველაზე დიდი ოდენობით გერმანიაში მოიხმარენ, შემდეგ მოდის იტალია, ესპანეთი, ინგლისი, საფრანგეთი, ბელგია და ა.შ. წელს საკმაოდ დიდი რაოდენობით ხდება ქართული თხილის რეალიზება რუსულ ბაზარზე. აღსანიშნავია, რომ, ჯამში, პროდუქცია 30-ზე მეტ ქვეყანაში იყიდება და ექსპორტს 50-მდე კომპანია ახორციელებს. ექსპორტზე რამდენიმე სახეობის თხილი გადის. ძირითადად, დამუშავებული ნატურალური თხილის გული, მოხალული თხილი, დაქუცმაცებული თხილი და თხილის ფქვილი. უცხოეთის ბაზარზე ასევე იყიდება ქართული წარმოების გაურჩეველი თხილი. "საერთაშორისო ბაზრებზე ქართული თხილის შესყიდვას ახორციელებენ როგორც ბროკერები, ასევე შოკოლადის მწარმოებელი ქარხნები. წელს რუსეთის ბაზარზე თხილის ფასი საკმაოდ მაღალია. ერთი კილოგრამი ნატურალური თხილის გული 7 დოლარამდე ღირს. თუმცა უნდა აღინიშნოს, რომ ამაში შედის ტრანსპორტირება და დღგ. დამატებითი ღირებულების გადასახადი კი 20 პროცენტამდეა. ამიტომ, სწორედ ფასიდან გამომდინარე, ამ ეტაპზე ქართული თხილის დიდი ნაწილი ექსპორტზე რუსეთში შედის. რუსულ ბაზარზე ექსპორტის კუთხით რამდენიმე ქართული კომპანია მუშაობს," - გვითხრა თხილის ექსპორტიორთა კავშირის თავმჯდომარემ მამუკა თოდუამ.

თხილის ფასი ევროპაში წელს გაცილებით დაბალია, ვიდრე შარშან იყო. ერთი კილოგრამი ნატურალური თხილის გული იქ 5 დოლარამდე ღირს. სპეციალისტთა განცხადებით, წელს თხილის საკმაოდ მაღალი მოსავალია თურქეთში, რომელიც მსოფლიო ბაზრის ერთ-ერთი მსხვილი მომარაგებელია. ფასის შემცირების ერთ-ერთი მთავარი მიზეზი სწორედ ეს ფაქტორი იყო. ევროპაში არსებული დაბალი ფასის გამო იქ ქართული თხილი დღეისათვის, ფაქტობრივად, არ შედის.

რაც შეეხება ადგილობრივ ბაზარზე არსებულ ფასებს, აქ ფერმერები ერთ კილოგრამ გაურჩეველ თხილს 3 ლარად ყიდიან. საქართველოში დღეისათვის 10-მდე მცირე ზომის საწარმო ფუნქციონირებს. ისინი ქართულ თხილს აფასოებენ და სარეალიზაციოდ ადგილობრივ



სუპერმარკეტებში შეაქვთ.

გასულ წელს საქართველოში 50 ათასი ტონა თხილი დაიკრიფა. წელს კი, წინასწარი პროგნოზით, მისი მოცულობა 35 ათასამდე იქნება. მოსავლის შემცირების მიზეზად სპეციალისტები არახელსაყრელ კლიმატურ პირობებს ასახელებენ.

საქართველოში თხილის ყველაზე კარგი მოსავალი სამეგრელოსა და აფხაზეთში მოდის. ამ მხრივ მესამე პოზიციაზეა გურია, შემდეგ - იმერეთი და კახეთი. რაც შეეხება ხარისხს, როგორც სპეციალისტები ამბობენ, ის მეტ-ნაკლებად კარგია. მოსავლის ყველაზე დიდი რაოდენობა მეგრული ჯიშის თხილებზე მოდის, რომელსაც მრგვალ ანაკლიურ ჯიშს ეძახიან.

"თხილის საექსპორტო კომპანია" ადგილობრივ ბაზარზე უკვე ექვსი წელია საქმიანობს. კომპანიის ხელმძღვანელი ბეგი სიორიძე ამბობს, რომ მათ არ აქვთ წარგავები და

თხილს მოსახლეობისაგან ძირითადად გურიაში ყიდულობენ.

ბეგი სიორიძის განმარტებით, ევროკავშირის ბაზარზე ქართულ თხილზე მოთხოვნა იზრდება. "ადგილობრივ ბაზარზე ქართული თხილის ფასი 4 ლარია. ავვისტოში პროდუქტზე დაბალი ფასია. თხილი ექსპორტზე ავტორტრანსპორტით გაგვაქვს. 1 კილოს ტრანსპორტირება 20 ცენტი ღირს. მსოფლიო ბაზარზე ჩვენი მთავარი კონკურენტი თურქეთია," - ამბობს ბეგი სიორიძე.

მოსახლეობისაგან თხილის შესყიდვის ფასი, ბოლო მონაცემებით, 4 ლარია. თითქმის ყველა რეგიონში ფუნქციონირებს თხილის ჩამბარებელი პუნქტები, საიდანაც პროდუქტი გადაამამუშავებელ ქარხანაში ხვედება. ხდება თხილის გამოშრობა, დაკალიბრება და დატეხვა. შემდეგ კი პროდუქტი სახმელეთო გადაზიდვების მეშვეობით ექსპორტზე გადის.

ტა კლიენტებისთვის ბარათების მომსახურების შეჩერება".

"ახალგაზრდა ბიზნესმენთა და ფინანსისტთა ასოციაციის" პრეზიდენტი ნოდარ ჭიჭინაძე აღნიშნავს: "არც ერთ სხვა ქვეყანაში არ ვიცნობ მსგავს პრეცედენტს, რომ ბანკომატით ტრანზაქციის განხორციელებისას კლიენტის სახელისა და გვარის იდენტიფიკაცია ხდება. თავად "ვიზა" და "მასტერკარდი" ჰყიდიან ინფორმაციას კლიენტების სავაჭრო ტრანზაქციების შესახებ, ოღონდ მხოლოდ იმას, რა შეიძინა კლიენტმა, რა მოცულობით და სხვა. ოღონდ კლიენტის ვინაობის გამჟღავნება სრულიად წარმოუდგენელია. ბანკისა და კლიენტის ურთიერთობაში ნებისმიერი სხვა, მესამე პირის ჩარევა არის საბანკო სისტემის პრინციპებიდან გადახვევა. ეროვნული ბანკის ეს წერილობითი ინსტრუქცია, გარდა იმისა, რომ იდეურად გაუმართლებელია, ტექნიკური თვალსაზრისით მისი შესრულება ზოგი ბანკისთვის, შესაძლოა, რთული აღმოჩნდეს. მთელი საბანკო სისტემა დღეს გაჩუმებულია და შედეგით სახეზეა "ყველაზე ზარალიანი დღეს ბანკი" - ქართუა", ხოლო მომგებიან ბანკებს ყველა კარგად ხედავს. მაგრამ ამ უსამართლობაზე თვალის დახუჭვა, პასიური დამოკიდებულება, მიჩუმება ყოველი ბანკის მხრიდან აუცილებლად წინ დახვდება საბანკო სექტორს. ვრცელდება ინფორმაცია, რომ შეფერხებები სომხური "ამერიკაბანკის" შემოსვლასთან დაკავშირებით, რომელსაც, ფაქტობრივად, უკვე გადაწყვეტილი ჰქონდა საქართველოს ბაზარზე შემოსულიყო. მსგავსი ფაქტებით, რაც ბოლო დროს საქართველოს ფინანსურ სექტორში ხდება, მხოლოდ ინვესტიციები კი არ შეიზღუდება საბანკო სექტორში, არამედ უკვე მოქმედ ბანკებსაც სანდოობის თვალსაზრისით პრობლემები შეექმნებათ."

როგორც ბეგი სიორიძე განმარტავს, მისი კომპანია თხილს, ძირითადად, ევროპის ბაზარზე ყიდის, სადაც მოთხოვნა გარჩეულ თხილის გულზეა. ექსპორტიორს თხილი აზიის ბაზარზეც გააქვს, ამ შემთხვევაში მოთხოვნა და გაუტეხავი თხილი და კაკალია.

ქართული გარჩეული თხილის ფასი ევროპის ბაზარზე 7 დოლარია. ერაყში კი ნაჭუჭიანი თხილი 2 დოლარი და 10 ცენტი ღირს. "ევროპის ბაზარზე მარტივად არ გავსულვართ. ეს რამდენიმეწლიანი შრომის ნაყოფია. გარკვეულწილად, ჩვენი წარმატება იმანაც განაპირობა, რომ ISO სერტიფიკატი ავიღეთ," - ამბობს ბეგი სიორიძე.

ევროპაშიც და აზიის ქვეყნებში მსოფლიო ბაზარზე ყველას კონკურენტი, ძირითადად, თურქეთია. ეს ქვეყანა მსოფლიო ბაზრის მოთხოვნის 75 პროცენტს აკმაყოფილებს. აქედან გამომდინარე, სრული უფლებით აკონტროლებს თხილის ფასსაც და თხილის ბაზარსაც. ქართული თხილის ფასი თურქულთან შედარებით 20 ცენტით მაღალია. "სამომავლო პერსპექტივა ქართული თხილისთვის მსოფლიო ბაზრის 10-პროცენტის ნიშნის ათვისებაა. საქართველოში არსებობს პოტენციალი, რომ მომავალში მსოფლიო ბაზრის უფრო მეტი მოთხოვნა დაეაკმაყოფილოთ," - ამბობს სიორიძე.

ბაზრის მეორე და მესამე სეგმენტის მოთამაშეების - ფერმერებისა და თხილის გადამამუშავებელი ქარხნების მფლობელების ძირითად პრობლემას საბანკო სესხის მაღალი საპროცენტო განაკვეთი წარმოადგენს. ამის მიუხედავად, ეს სექტორი წელს, მაგრამ თანმიმდევრულად ვითარდება.

ლიბიაში რუსული რაკეტები გაიტაცეს

ლიბიის ქალაქ ბენღაზიში რუსული წარმოების სამხედრო აღჭურვილობა მოიპარეს, რომელიც ქვეყნის ყოფილი ლიდერის მუამარ კადაფის შემდეგ დარჩა. როგორც აღნიშნავენ, მართლდება ამერიკის ადმინისტრაციის შიში, რაც საბრძოლო არსენალის რადიკალი ისლამისტების ხელში მოხვედრას უკავშირდება. საზენიტო-სარაკეტო კომპლექსის ლიბიის ბაზიდან დაკარგვის შესახებ "ვაშინგტონ პოსტს" შეიარაღებული დაჯგუფება "რაფ-ალაჰ ას-სახატის" ხელმძღვანელმა ისმაილ სალამმა განუცხადა. სალამის თქმით, იარაღი გასულ უქმეებზე გაიტაცეს, როდესაც ათასობით დემონსტრანტმა სამხედრო ბაზა შტურმით აიღო.

ლიბიაში აცხადებენ, რომ ახალი ხელისუფლება ეროვნული არმიის ფორმირებას ცდილობს და შეამზობენ მთელ მოსახლეობას, იარაღი საკუთარი ნებით ჩააბარონ.

ამერიკა კი ირწმუნება, რომ დღესდღეობით ლიბიაში სხვადასხვა შეიარაღებული დაჯგუფებები ასობით საზენიტო-სარაკეტო კომპლექსს ფლობენ.

კარიკატურები კარიკატურების წილ

ევგვიტურმა გაზეთმა "ალ ვაჰანმა" თავისი 12-გვერდიანი დანართი დაუთმო დასავლეთის სახელმწიფოებში გავრცელებულ შეხედულებას მუსულმანებზე და ფრანგული "Charlie Hebdo"-ს პასუხად 13 კარიკატურა გამოაქვეყნა. სურათების ერთ-ერთი ავტორი აცხადებს, რომ დასავლეთი მუსულმანის მხოლოდ ერთ ტიპს ხედავს და აღიქვამს. მაგალითად, ერთ-ერთ სურათზე გვერდგვერდ გამოსახულია ორი არაბი: ერთი - მოკლედ შეკრული წვერით, პიჯაკითა და პატარა ტრადიციული ქუდით, მეორე - რადიკალებისთვის დამახასიათებელი თავსაბურავით, დიდი წვერით, დაკრეჭილი კბილებითა და სისხლიანი ხანჯლით. ფანარი, რომლის ტარიც ამერიკული დროშის ფერებშია გამოსახული, მინათებულია ამ მეორეზე. არის კიდევ ერთი კარიკატურა მინანორით: "სათვალე ვესტერნი ისლამური სამყაროსთვის". მასში ჩანს ნიუ იორკის მსოფლიო სავაჭრო ცენტრის აღმოდებული ტყუპი კოშკები.

დანართში გამოქვეყნებულია ცნობილი ევგვიტელი საერო და სასულიერო მოაზროვნეების სტატიები ამ თემაზე. მათგან ერთ-ერთის ავტორია ევგვიტის მთავარი მუფტი ალი გომაა.

გაზეთი "ალ-ვაჰანი" საერო მიმართულებისა და ის ამჟამად ოპოზიციაში უდგას არჩეულ პრეზიდენტ მოჰამედ მურსის, რომელიც პანარაბული მოძრაობა "მუსულმანი ძმების" წარმომადგენელია. გაზეთის საიტზე დევს უამრავი გამომხატურება, რომელშიც მათ მადლობას უხდებიან ცივილიზებული რეაქციისთვის დასავლეთის მედიის უადგილო ხუმრობებზე. ეს დანართი შეფასებულია, როგორც "იდეებზე იდეებით" პასუხის გაცემის მცდელობა.

თურქეთის აღმოსავლეთში აფეთქებას 7 ადამიანი ემსხვერპლა

თურქეთის აღმოსავლეთ ნაწილში, ქალაქ თუნჯელიში ძლიერ აფეთქებას 7 ადამიანი ემსხვერპლა. თავდასხმა იმ მანქანაზე განხორციელდა, რომელიც უსაფრთხოების სამსახურების თანამშრომლები იმყოფებოდნენ. ეს ქალაქი ერაყის საზღვართან ახლოს მდებარეობს და იქ მრავალი ქურთი ცხოვრობს. როგორც აღნიშნავენ, არსებობს ეჭვი, რომ აფეთქების უკან სწორედ აკრძალული "ქურთების მუშათა პარტია" დგას. ერთ-ერთი თურქული გაზეთის ცნობით, უსაფრთხოების ძალებმა, რომლებიც მომხდარის ადგილზე იმყოფებოდნენ, ქურთ ამბოხებულებს ცეცხლი გაუხსნეს, რის შედეგადაც ერთ-ერთი მათგანი დაიღუპა.

უკრაინელი ჟურნალისტები ცილისწამების შესახებ კანონს აპროტესტებენ

უკრაინაში დაიწყო ონლაინ აქცია, რომელიც მედიასაშუალებები, რიგითი ჟურნალისტები და უზრალო მოქალაქეებზე (სოციალური ქსელების მეშვეობით) ქვეყნის უმაღლესი რადას მიერ პირველი მოსმენით მიღებულ კანონპროექტს აპროტესტებენ, რომელიც ცილისწამებისთვის სისხლის სამართლის პასუხისმგებლობას ითვალისწინებს. საიტებზე გამოჩნდა წარწერები: "დაიცავი შენი უფლება, იცოდე სიმართლე. უარყავი კანონი ცილისწამების შესახებ." ინტერნეტგამოცემის "ტელეკრიტიკა" მთავარი რედაქტორის ნატალია ლიგაჩოვას სიტყვებით, აქცია "უკრაინისკაია პრავდამ", "კორესპონდენტმა" და "ლიგანეტმა" დაიწყო. მათ შემდეგ შეუერთდნენ: "ინვესტ-გაზეთი", "KyivPost"-ი, "დენი" (ДЕНЬ), "LB.ua", "სევოდნია", "ТБІ" "უკრაინისკი ნოვოსტი" და სხვები. ზოგიერთმა მათგანმა იმ 244 დეპუტატის სიაც გამოაქვეყნა, რომლებმაც პირველი მოსმენის დროს კანონპროექტს ხმა მისცეს.

ირანმა საკუთარი უპილოტო საფრენი აპარატი "შაჰიდ-129" წარადგინა

თეირანმა საკუთარი წარმოების უპილოტო საფრენი აპარატი "შაჰიდ-129" წარმოადგინა, რომელიც სადაზვერვო და სამხედრო დანიშნულებისათვის არის შექმნილი. ისლამური რევოლუციის გუმათავა კორპუსის განცხადებაში საუბარია, რომ უპილოტო აპარატს ჰაერში გაჩერება ერთი დღე-ღამის განმავლობაში შეეძლება. როგორც აღნიშნავენ, აპარატი სამიზნის განადგურებას 2000 კმ-ში შეძლებს.

ორმაგი ტერაქტი დადასტოვდა

ხათუნა გაზივი

სირიის დედაქალაქში ორმაგი ტერაქტი მოხდა, რასაც მასშტაბური ხანძარი მოჰყვა. პირველი აფეთქების ხმა დამასკოში სირიის ტელევიზიის შენობასთან გაისმა, რასაც მალევე მოჰყვა ბომბის ამოქმედება ქალაქის ცენტრში სამხედრო უწყებებსთან. მომხდარზე პასუხისმგებლობა რამდენიმე საათში საკუთარ თავზე ამბოხებულებმა აიღეს. მანამდე კი სახელმწიფო მედიასაშუალებები ავრცელებდნენ ცნობას, რომ აფეთქებათა სერიის უკან ტერორისტები იდგნენ. ტერორისტებს ასადის რეჟიმი, უკვე რამდენიმე თვეა, ამბოხებულებს უწოდებს. შემთხვევის ადგილი გადაკეტეს რეგულარული არმიის წარმომადგენლებმა, პარალელურად კი, მუშაობას სასწრაფო დახმარების ბრიგადებიც შეუდგნენ.

სირიის თავისუფალი არმიის წარმომადგენელთა განცხადებით, თავდასხმას ათობით პირი ემსხვერპლა, ხოლო რეგულარული არმია კი ამბობს, რომ აფეთქებებს მსხვერპლი არ მოყოლია.

პირველი აფეთქება ადგილობრივი დროით დილის 07:00 საათზე მოხდა ომეიადების მოედანზე, მეორე კი - აბუ რამანის კვარტალში. თვითმხილველთა თქმით, აფეთქება იმდენად მძლავრი იყო, რომ ახლომდებარე შენობები დაზიანდა, ჩაიმსხვრა შუშები. სირიის ინფორმა-



ციის მინისტრის სიტყვებით, ორივე შემთხვევაში გზებზე დამონტაჟებული ნაღმები ამოქმედდა, მაგრამ არც ტელევიზიისა და არც სამხედრო უწყების შენობები დიდად არ დაზიანებულა. აფეთქებების ადგილიდან არც თუ მოშორებით კი ამბოხებულებსა და სამთავრობო ჯარებს შორის შეტაკებები კვლავ გრძელდებოდა. ბოლო რამდენიმე თვეა, ინტენსიური თავდასხმები მიმდინარეობს როგორც დამასკოში სამთავრობო ობიექტებზე, ასევე ქვეყნის სიდიდით მეორე ქალაქ ალეპოში. იზრდება დაშავებულთა და დაღუპულთა რაოდენობაც. დამასკოს ორმაგ აფეთქებამდე კი რამდენიმე საათით ადრე სირიაში შექმნილ

მდგომარეობაზე გაერო-ს გენერალურ ასამბლეაზეც იმსჯელეს. მიუხედავად იმისა, რომ გაერთიანებული ერების ორგანიზაციის გენერალური ასამბლეის დანაშაულის სირიის საკითხი დღის წესრიგში შეტანილი არ იყო, თითქმის ყველა გამომსვლელი შეეხო დამასკოს კრიზისს. საფრანგეთის პრეზიდენტის ფრანსუა ოლანდის თქმით, ასადის რეჟიმს მომავალი არ აქვს, მკაცრი განცხადება გააკეთა ასევე ამერიკის შეერთებული შტატების პრეზიდენტმაც და საერთაშორისო საზოგადოებას ძალადობის დასრულებისკენ მოუწოდა. "ძალადობა მიუღებელია. ის უნდა დასრულდეს, ისევე, როგორც ასადის რეჟიმი. სირია-

"გაზპრომის" აქციაში შარშან რომინსას ჰქონია

ივა შილაკაძე

არჩევნების წინ აშშ-ს პრეზიდენტობის კანდიდატმა რესპუბლიკური პარტიიდან მიტრომნიმ საკუთარ საიტზე გამოაქვეყნა თავისი და მეუღლის ენ რომინის შარშანდელი საგადასახადო დეკლარაცია. ამ დოკუმენტმა გამოიწვია მისი მომხრეების კმაყოფილება, რადგან დადასტურდა, რომ რესპუბლიკელების კანდიდატი პატიოსნად იხდის გადასახადებს და უზარმაზარ თანხას ხარჯავს ქველმოქმედებაზე. თუმცა მოწინააღმდეგეებმა დეკლარაციაში მაინც იპოვეს მონაცემები, რომლებიც რომინის პოლიტიკურ იმიჯს გარკვეულ ზიანს აყენებს. ირკვევა, რომ რომინის (უფრო სწორად, ფირმას, რომელსაც რომინის ინვესტიციების მართვა ევალება) შეუძენია რუსული და ჩინური კომპანიების აქციებიც, რომელ სახელმწიფოებსაც პრეზიდენტობის კანდიდატი აქტიურად აკრიტიკებს სააარჩევნო კამპანიის დროს.

მიტრომნიის მოწინააღმდეგეებმა ყურადღება გაამახვილეს იმაზე, რომ რესპუბლიკელების ლიდერი ინვესტიციას დებს არა მხოლოდ სამამულო, არამედ უცხოურ კომპანიებშიც, მათ შორის მოხვდა რუსული "გაზპრომი" და "იანდექსი", გერმანული "ადიდასი" და "ფოლკსვაგენი", ჩინური ნავთობკორპორაცია "CNOOC"-ი და "Youku.com"-ი (ცნობილი "YouTube"-ის ჩინური ანალოგი) აგრეთვე ბრაზილიური ბანკი "Itau".

რომინის ოჯახის ფინანსებს მართავს კომპანია "ბრმა ნდო-



ბა", რომელიც თეორიულად მას არც ექვემდებარება. შარშან ამ კომპანიაში რომინის პორტფელისთვის იყიდა "გაზპრომის" ათასზე მეტი აქცია. პირველი აქციები შეიძინეს მარტში და შემდეგ ყველა ერთად გაყიდეს სექტემბერში, მას შემდეგ, რაც რომინის წინასაარჩევნო კამპანია აქტიურ ფაზაში გადავიდა. "იანდექსის" აქციები 2011 წლის ივნისში შეისყიდეს და აგვისტოში გაყიდეს. საქმე ის არის, რომ ამ აქციების ყიდვა-გაყიდვით რომინი იზარალა. "გაზპრომის" ფასმა ბოლო ერთ წელიწადში 9 პროცენტით დაიკლო, ხოლო 2007 წელთან (ეკონომიკური კრიზისის დაწყების წინა პერიოდთან) შედარებით - 60 პროცენტით. თუმცა აქციების გაყიდვის მიზეზი უფრო პოლიტიკური იყო, ვიდრე ეკონომიკური.

რესპუბლიკელების საპრეზიდენტო კანდიდატი ბოლო პე-

რიოდში ძალიან აქტიურად აკრიტიკებს რუსეთსა და ჩინეთს. რუსეთს მან უკვე ორჯერ უწოდა "გეოპოლიტიკური მოწინააღმდეგე N1". ჯერ კიდევ 2007 წელს, როდესაც რომინი პირველად ცდილობდა აშშ-ს პრეზიდენტის თანამდებობაზე ეყარა კენჭი, მან განაცხადა, რომ "ბრმა ნდობის" ხელმძღვანელი, ბოსტონელი ადვოკატი ბრედფორდ მოლტი "იღებს ზომებს იმისთვის, რომ მისი ინვესტიციები შეესაბამებოდეს მისსავე პოლიტიკურ პოზიციებს". როგორც ჩანს, ეს ყოველთვის არ გამოდის და ამაზე თვით რუსული პრესაც ცინიკურად ხუმრობს, რომ ფრაზა: "არაფერი პირადული, მხოლოდ ბიზნესი" კვლავ აქტუალურია.

რომინის კრიტიკოსები ყურადღებას ამახვილებენ იმაზე, რომ ჩინური "Youku.com"-ის აქციები, მართალია, სულ ერთი თვით, მაგრამ რომინის ჰქონდა

ში მშვიდობიანი მოქალაქეები, მათ შორის, ბავშვები ილუპებიან. არ შეიძლება, მომავალი დიქტატორას ეკუთვნოდეს," - განაცხადა ამერიკის შეერთებული შტატების პრეზიდენტმა ბარაკ ობამამ.

გენერალურ ასამბლეაზე ანგარიში სირიაში გაერთიანებული ერების ორგანიზაციისა და არაბული ლიგის სპეცნარმომადგენელმაც წარადგინა, რასაც სირიის პარლამენტში უკმაყოფილება მოჰყვა. "სირიის ხელისუფლება ბრაჰიმისთან ითანამშრომლებს, რადგან იგი მიუკერძოებელ პოზიციას უნდა იკავებდეს. სწორედ ამიტომ მას არ აქვს უფლება, განსაზღვროს უნდა შეიცვალოს თუ არა სირიაში რეჟიმი. მას თუ წარმატებული შუამავლობა სურს, მიმართოს საუდის არაბეთს, ყატარსა და თურქეთს, რომლებიც ამბოხებულებს ესმარებიან იარაღითა და ფინანსებით და ჩამოთვლილი ქმედებების შეწყვეტა სთხოვოს", - განაცხადა ბრაჰიმის ანგარიშის საპასუხოდ სირიის პარლამენტის წევრმა შარიფ შიჰადმა.

საერთაშორისო საზოგადოება კი ერთ რამეში თანხმდება, კერძოდ, სირიაში ჰუმანიტარული მდგომარეობა დღითიდღე მძიმდება. გაერთიანებული ერების ორგანიზაციის გენერალურმა მდივანმა სირიის კონფლიქტს რეგიონული კატასტროფა უწოდა, რომელსაც გლობალური შედეგები მოჰყვება.

იმ პერიოდში, როდესაც წინასაარჩევნო კამპანიის ფარგლებში აქტიურად აკრიტიკებდა ჩინეთს ვიდემოკოპორეობისთვის, ეს კომპანია კი ამ უკანონო საქმიანობის ბოლოა. "CNOOC"-ის აქციებს კი ფლობდა იმ პერიოდში, როდესაც ვაშინგტონში უკვე ძალიან აქტიურად გამოთქვამდნენ შეშფოთებას ჩინელი მენავთობების მრავალმილიარდიანი გარიგებების გამო ირანულ კოლექტთან. შეიძლება, წინასაარჩევნო კამპანიის დაწყების წინ რომინი ან მისი პოლიტიკური მრჩეველი სეროიზულად დაინტერესდა კომპანია "ბრმა ნდობის" მიერ რომინის პორტფელის მართვით და ყველა "პოლიტიკურად წამებუბანი" აქტივი (თუ პასივი) ერთბაშად მოიშორეს. შეიძლება ამ კუთხით საკუთარ მოვალეობებს თვითონ ბრედფორდ მოლტმა შეხედა და რომინი ამაში არც ჩარეულა.

თუმცა დღეს, რესპუბლიკელების კანდიდატის მიერ დეკლარაციის გამოქვეყნების შემდეგ, მის მიმართ კრიტიკა მაინც ისმის. "ავიხსენით, რუსულ კორპორაციაში ინვესტიციის ჩადება როგორ ქმნის სამუშაო ადგილებს აშშ-ში?". მოკლედ რომ ვთქვათ, მას დემოკრატებმა პატივითი ზღაპრით დაუწუნეს.

მთლიანობაში კი, დეკლარაციამ აჩვენა, რომ რომინი და მისმა მეუღლემ შარშან დაახლოებით 14 მილიონი დოლარი გამოიმუშავეს (მთლიანად რომინის ქონება 200 მილიონ დოლარად არის შეფასებული), გადასახადების სახით გადაიხადეს 1,9 მილიონი და ქველმოქმედებაში დახარჯეს 4 მილიონი ანუ საკუთარი სუფთა მოგების დაახლოებით 30 პროცენტი.

საპროტესტო აქციები მადრიდსა და ათენში

პროტესტის მონაწილეებმა

პროტესტანტები მხოლოდ მას შემდეგ დაიშლნენ, რაც პარლამენტის წევრებმა შენობა დატოვეს.

პროტესტის მონაწილეებმა "მოძრაობა "ალფოთების" (Indignados) წარმომადგენლებმა განაცხადეს, რომ "ჩამორთმეული დემოკრატიის" წინააღმდეგ გამოდიან. სამშაბათს დემონსტრაციის მონაწილეებმა საკუთარ აქციას "დაიკავე კონგრესი" უწოდეს.

ხუთშაბათს ესპანეთის მთავრობამ განცხადება უნდა გააკეთოს ბიუჯეტის შემცირების ახალი სტრატეგიის შესახებ. ბოლო სამი წლის განმავლობაში ქვეყანა მეორე რეცესიას განიცდის. უმუშევრობის დონემ ესპანეთში უკვე 25 პროცენტს მიაღწია.

პარლამენტის შენობის წინ ათასობით ადამიანი შეიკრიბა, თუმცა თავად შენობა გარშემოტყეული იყო რკინის ბარიერებით, პოლიციის ფურცლებითა და ასობით პოლიციელით. მარცხნივ, რომელიც პარლამენტის შენობის მიმდებარე ტერიტორიაზე ცხოვრობს, დაინახა, პოლიცია დემონსტრანტებს ხელკეტებით თავს როგორ დაესხა და მათ გაყოფას ცდილობდა, უფრო ზუსტად, პოლიცია აქციის ლიდერების იზოლირებას ცდილობდა, რამაც საკმე შეტაკებამდე მიიყვანა, თუმცა ის ფართომასშტაბიან ძალადობაში არ გადაზრდილა.

აქციამდე ერთი დღით ადრე ერთ-ერთმა უმსხვილესმა ოპოზიციურმა ჯგუფმა "კოორდინაციონ-რა#25ს"-მა განაცხადა, რომ "ალფოთების" არ აპირებენ, შტურმით აიღონ პარლამენტი, მათ მხოლოდ სურთ, პარლამენტის შენობის ირგვლივ მარში გამართონ. "დემოკრატია ჩამოგვართვეს. 25 სექტემბერს ჩვენ ვაპირებთ, გადავარჩინოთ ის," - ნათქვამია მათ მანიფესტში.

ესპანური კანონმდებლობის შესაბამისად, ადამიანი, რომელიც ხელმძღვანელობს დემონსტრაციას პარლამენტის კედლებთან და ხელს უშლის მის ნორმალურ მუშაობას, შესაძლოა, ერთი წლის ვადით დააკავონ.

ახალი კონსერვატიული ხელისუფლება, სახელმწიფო ვალის შემცირების მიზნით, ხელფასების შემცირებისა და გადასახადების ზრდის პოლიტიკას ახორციელებს. ესპანეთის პროვინციები მადრიდისგან ფინანსურ დახმარებას ითხოვენ, რამაც, შესაძლოა, საერთაშორისო დახმარების აუცილებლობა და ვადამდელი არჩევნების დანიშვნა გამოიწვიოს. ევროკავშირი შიშობს, რომ ესპანეთს 100 მილიარდი ევროს ფინანსური დახმარება დაჭირდება.

ხელისუფლების ხისტი ეკონომიკის ზომებს აპროტესტებენ საბერძნეთშიც. უმსხვილესმა პროფკავშირებმა გუმინ ჩაატარეს პირველი საპროტესტო აქცია მას შემდეგ, რაც ივნისში ხელისუფლებაში ახალი კონსერვატიული პარტია მოვიდა.

დემონსტრაცია ათენში, რომელიც 24-საათიანი ეროვნული გაფიცვის ფარგლებში გაიმართა, უსაფრთხოების ძალებისა და მომიტინგეების შეტაკებაში გადაიზარდა. უსაფრთხოების დამცველები იძულებულნი გახდნენ, ასობით მომიტინგის წინააღმდეგ ცრემლსადენი გაზი მას შემდეგ გამოეყენებინათ, რაც მათ პოლიციელებს ბოთლებისა და ქვების სროლა დაუწყეს.

24-საათიანი აქცია მთავრობის გეგმის წინააღმდეგ ტარდება, რომლის მიხედვითაც მთავრობა აპირებს, 11,5 მილიარდი ევრო (15 მილიარდი დოლარი) დაზოგოს - ეს კი წარმოადგენს პირობას იმისთვის, რომ ევროკავშირისა და საერთაშორისო სავალუტო ფონდისგან 31,5 მილიარდი ევროს ოდენობის სესხი მიიღოს. ამ კრედიტის გარეშე ქვეყანა



ათენი



მადრიდი

ბიზნესი

ევროპაში ყურძნისა და ვაშლის მოსავალი შემცირდა

თინა შავაძე

ევროპას თავს დაატყდა ახალი კრიზისი: ვენახების მოსავლიანობა რამდენიმე რეგიონში 80 პროცენტით შემცირდა, - იუწყება Reuters-ი. ყურძნის მოცულობამ მკვეთრად დაიკლო ქვეყნებში, რომლებიც ევროპული ღვინის ძირითადი მწარმოებლები არიან, მათ შორის პორტუგალიაში, საფრანგეთში, ესპანეთში, იტალიაში და საბერძნეთში. "ზოგიერთ ადგილებში მოსავალი, გასულ წელთან შედარებით, 40 პროცენტზე ნაკლებია," - განაცხადა პორტუგალიელმა მეღვინე დევიდ ბევერსტოკმა.

კიდევ უფრო მძიმე მდგომარეობაა საფრანგეთის ერთ-ერთ რეგიონ ბურგუნდიაში, რომელიც ცნობილია

თავისი ღვინოებით (შაბლი, ნიუი-სენ-ჟორჟი) და საქონლის სხვადასხვა ჯიშებით. სეტყვამ ვენახების თითქმის 80 პროცენტი გაანადგურა პომარში, სანტენსა და ვოლნეიში. ლურაში კი ახლახანს დაიწყეს მოსავლის აიღება, მაგრამ მეღვინეები ამბობენ, რომ ყურძნის მოსავალი ბევრად დაბალია, ვიდრე ადრე იყო.

მსგავსი მოლოდინები აქვთ ესპანელ მეღვინეებსაც.

ინტენსიური გვალვების გამო იტალიაში მკვეთრად დაეცა მოსავლიანობა ვაზის შემდეგი ჯიშებისა - პინოს Hyap, Moscato და სოვინიონი Blanc.

ზაფხული ასევე ძალიან მშრალი იყო საბერძნეთში - იქ ივლისი, 1897 წლის შედეგ, ყველაზე ცხელი აღმოჩნდა, - აცხადებენ ექსპერტები.

"შედეგად, ყურძნის კრეფა დაგეგმილზე ადრე დაიწყო და გასულ



წელთან შედარებით, მოსავალი, თითქმის 20 პროცენტით ნაკლებია," - ამბობს ბერძენი მეღვინე სტერიოს ბუტალისი.

ექსპერტები მომხმარებელს ამჟამად აცხადებენ, რომ ღვინის ფასები არ უნდა გაიზარდოს.

"თუ ყურძნის ფასი ევროპაში მოიმატებს, ეს სულაც არ ნიშნავს იმას, რომ ღვინოზე ფასი მომხმარებელს უნდა გაეზარდოს. ღვინის მწარმოებელი ქარხნები, როგორც წესი, ფასებს სტაბილურ დონეზე ინარჩუნებენ," - ამბობს American Association of Wine Economists-ის უფროსი რედაქტორი.

ბრიტანეთში ზაფხული პირიქით - ბოლო 15 წლის განმავლობაში ყველაზე ცივი იყო, რის შედეგადაც საგრძნობლად შემცირდა ვაშლის მოსავალი.

ამერიკაში უძრავი ქონების ფასი იზრდება

თინა შავაძე

Standard & Poor's/Case-Shiller index-ის ანგარიშის თანახმად, აშშ-ში უძრავი ქონების ბაზარზე ფასების მატება შეინიშნება. ამ ქვეყნის 20 უდიდეს ქალაქში, ივლისში, უძრავ ქონებაზე ფასები 0,44 პროცენტით გაიზარდა, - წერს The Washington Post.

თუმცა, ერთი შტატის ქონების ბაზარი მეორისგან ძალიან განსხვავდება. მაგალითად, ფენიქსში ფასები 16,6 პროცენტით გაიზარდა, ხოლო ატლანტაში 9,9 პროცენტით დაეცა.

ეს ნიშნავს, რომ მიუხედავად სექტორის აღდგენის მიზნით განხორციელებული სამთავრობო პროგრამებისა - მაგალითად, იპოთეკური სესხების რესტრუქტურირება და საპროცენტო განაკვეთების დაწვევა, უძრავი ქონების ბაზრის აღდგენა ნელი ტემპით მიმდინარეობს.

უძრავ ქონებაში ჩადებული ინვესტიციების წილი, ბოლო 60 წლის განმავლობაში, მშპ-სთან მიმართებით 5 პროცენტს არ აღწევდა, დღეს მხოლოდ 2,2 პროცენტის ზღვარზეა გაჩერებული. მართალია, კლება დიდი არ არის, თუმცა ამ ბაზარს უცნაური გავლენა აქვს აშშ-ს ეკონომი-



კასა და ინვესტორების ფსიქოლოგიაზე.

კარგმა სტატისტიკამ შეიძლება, ბიძგი მისცემს ეკონომიკურ ზრდას. ახალი სახლების შესყიდვა გავლენას ახდენს სამომხმარებლო ქცევაზე - ახალმოსახლემ უნდა შეიძინოს ავეჯი, ასევე ხელს უწყობს ფინანსური ბაზრების ზრდას, რადგან უძრავი ქონება აქტიურად გამოიყენება, როგორც გირაო.

გავლენიანი გამოცემის დასკვნით, ბუნებრივია, ამ ეკონომიკურ ეფექტებს უკავშირდება აშშ-ს მთავრობის მიერ განხორციელებული უძრავი ქონების ბაზრის სტიმულირების პროგრამა.

მუსიკის საერთაშორისო ფესტივალის თელავში

2012

სექტემბერი

27/09/12 - ფესტივალის გახსნა - 19.00

მონაწილეობენ: საფესტივალო სიმფონიური ორკესტრი

დირიჟორი - ტიმურ ზანგიევი

სოლისტები: ეველინა ბერეზოვსკაია, კიმ ტეიანგი

პროგრამაშია: მოცარტი - უვერტიურა ოპერისათვის "ფიგაროს ქორწინება".

მენდელსონი - კონცერტი ფორტეპიანოსა და ორკესტრისათვის #1 სოლ მინორი.

ბრამსი - კონცერტი ფორტეპიანოსა და ორკესტრისათვის #1 რე მინორი

29/09/12 - 19.00

მონაწილეობენ: საფესტივალო სიმფონიური ორკესტრი დირიჟორი - ანატოლი ლევინი

სოლისტები: ლიზა ბათიაშვილი, ნატალია გუტმანი, სვიატოსლავ მოროზი

პროგრამაშია: ბეთჰოვენი - კონცერტი ვიოლინოსა და ორკესტრისათვის

ბრამსი - კონცერტი ვიოლინოს, ჩელოსა და ორკესტრისათვის

30/09/12 - 19.00

უკრაინის ბორის ბერეზოვსკი

ოქტომბერი

18/10/12 - 19.00

კამერული მუსიკის კონცერტი

მონაწილეობენ: ელისო ვირსალაძე, ნატალია გუტმანი, ინგოლფ ტურბანი, ედუარდ ბრუნერი, ნოდარ ჟვანია, გია ქობულაშვილი, მიხეილ ქართველიშვილი, იანგ-ჯი ბაეკი, ჯაკო ლუომა, ზორა სლოკარი

პროგრამაშია: მოცარტი - დივერტისმენტი KV 229 სი ბემოლ მაჟორი

მოცარტი - კვინტეტი #K452 მი ბემოლ მაჟორი

ბეთჰოვენი - სექსტეტი თხზ.20 სიმებიანი და ჩასაბერი ინსტრუმენტებისათვის

20/10/12 - 19.00

კამერული მუსიკის საღამო

მონაწილეობენ: ელისო ვირსალაძე, ინგოლფ ტურბანი, ნატალია გუტმანი, ნოდარ ჟვანია, მარია კაგანი

პროგრამაშია: ბრამსი - საფორტეპიანო კვინტეტი ფა მინორი

21/10/12 - 19.00

ფესტივალის დასკვნითი კონცერტი

მონაწილეობენ: საფესტივალო სიმფონიური ორკესტრი დირიჟორი - ანატოლი ლევინი

სოლისტები: ელისო ვირსალაძე, ლუკას ნიკოლაი ბლაჰერი ედუარდ ბრუნერი, გია ქობულაშვილი, ჯაკო ლუომა, ზორა სლოკარი

პროგრამაშია: მოცარტი - სინფონია კონჩერტანტე შოპენი - კონცერტი ფორტეპიანოსა და ორკესტრისათვის #1 მი მინორი

შუმანი - კონცერტი ვიოლინოსა და ორკესტრისათვის.

ტაშ-ფანდურიდან უძრავი მოგზაურებამდე

ლაშა ჩხარტიანი

თბილისის საერთაშორისო თეატრალური ფესტივალის საერთაშორისო პროგრამა წელს გაცილებით მრავალფეროვანი და რადიკალურად განსხვავებული სტილისა და ესთეტიკის სპექტაკლებისგან შედგება, ვიდრე გასულ წელს. პოლონური თეატრ "ოპოლეს" მიერ გრიზოედოვის თეატრის სცენაზე წარმოდგენილმა "ღმერთების დაცემამ" მაია კლერეცკას თეატრალურმა ვერსიამ (ამავე სახელწოდების ფილმი ვისკონტიმ გადაიღო) მაცურებელი ემოციურად დაამძიმა.

თითქოს საფესტივალო პროგრამა წინასწარმეტყველთა საბჭომ შეადგინა, ისე დაემთხვა პოლონური სპექტაკლის თემატიკა თანამედროვე ქართულ ცხოვრებას, იმ მოვლენებს, რაც გასულ კვირას განვითარდა საქართველოში. ძალაუფლების უკიდურესი აღზევება ბადებს ძალმომრეობას, თესავს შიშს საზოგადოებაში და გზას უხსნის არა მხოლოდ ტოტალიტარიზმს, არამედ დესპოტიზმს.

"ღმერთების დაცემის" მეორე დღეს ფსიქოლოგიურად "დაცემული" მაცურებელი ბელორუსიის ნაციონალური იანკა კუპალას სახელობის თეატრის სპექტაკლმა "ქორწილი" გამოაცოცხლა. ანტონ ჩეხოვის ამავე სახელწოდების მოთხრობის მიხედვით რუსი რეჟისორის ვლადიმერ პანკოვის მიერ დადგმული სპექტაკლი ნამდვილი შვება იყო ფესტივალის ერთგული მაცურებლისთვის. ბელორუსიულ ენაზე პიესას "Вяселле" ქვია, რაც გართობას, ჩვენებურად კი "ტაშ-ფანდურს" ნიშნავს. ეს ცნება ბელორუსიულ ენაში ქორწილის დღესასწაულს შეესატყვისება.

ტრაგიკომედია მარჯანიშვილის თეატრის სცენაზე ქართულად გათამაშდა. ახლავე მოგახსენებთ რასაც ვგულისხმობ "ქართულად გათამაშებაში": რუსული და ბელორუსიული თეატრი სტილითა და ესთეტიკით, ხერხების ერთობლიობით გვანან ერთმანეთს. ჩრდილოეთი ტემპრამენტისთვის დამახასიათებელი მეტი ფსიქოლოგია და ყოფითობა. პანკოვი კი თავის სპექტაკლებში, ისე როგორც ჩეხოვის "ქორწილში" რადიკალურად ამბობს უარს ტრადიციულ, თითქმის ნაციონალურ თეატრალურ სტილზე და გამოსახველობით ხერხებზე. მისი შემოქმედებითი შესაძლებლობები მიმართულია ფორმის და იდეის განსხვავებულ სინთეზზე, რასაც სპექტაკლის ბგერით-ხმოვანი სტრუქტურა ემატება. პანკოვის სპექტაკლებში მსახიობები მიკროფონებით საუბრობენ, მღერავენ და მათი დიალოგები რეჩიტატივს მოგაგონებთ, რაც ერთის მხრივ აუცხოებს მაცურებელს პერსონაჟებთან, ხოლო მეორეს მხრივ უფრო მისტიურს ხდის სცენაზე გათამაშებულ ტრაგიკომიკურ ისტორიას.

მოულოდნელი იყო რუსი რეჟისორი პანკოვისაგან ამ დოზით ირონიის და თვითირონიის შეგრძნება, გავითვალისწინოთ ისიც, რომ რუსმა რეჟისორმა სპექტაკლი ბელორუსიაში, სადაც უკვე მეფორამეტეწელია არც ისე დემოკრატი პრეზიდენტი ლუკაშენკოა და ისიც ნაციონალურ, ქვეყნის მთავარ თეატრალურ მოედანზე. პანკოვის ირონია ვლინდ-



სცენა სპექტაკლიდან "უძრავი მოგზაურები"

ბა არა მხოლოდ პერსონაჟების, არამედ დრამატურგის მიმართაც. ამის გამო პანკოვისეული გადაწყვეტა აახლოვებს მას კლდიაშვილის თეატრალურ სამყაროსთან. სევდანარევი იუმორი, მოქმედებების სიჭარბე და შემოთავაზებული მუსიკალური ატმოსფეროს (არიებისა და არიეტების) ერთობლიობა კიდევ უფრო აცილებს რეჟისორს ტრადიციულ რუსულ თეატრთან. კიდევ ერთი დეტალი, რაც გამოარჩევს პანკოვს სხვა მისი თაობის რეჟისორებისაგან: მის სპექტაკლებში ყოველთვის ცოცხალი მუსიკა ჟღერს და მას უყვარს მასიური სცენები, სცენაზე ორმოცამდე მსახიობი დგას და არც ერთი წამით, არც ერთი მსახიობი სცენაზე "უსაქმურად" არ დგას. თეატრალური ტერმინით, რომ ვთქვათ ისინი უკლებლივ "მუშაობენ"...

ფესტივალის კლუბში, იტალიურ ეზოში, რომელიც მარჯანიშვილის თეატრის წინ მდებარეობს, საერთაშორისო პროგრამის ფარგლებში წარმოდგენილი იყო ვიდეოპერფორმანსი "პანთესელეა-პათოლოგია" გერმანიიდან, რომლის რეჟისორი, სცენოგრაფი და მთავარი როლის შემსრულებელი ევი შუბერტია. მსგავს ვიდეო პერფორმანსთან შეხება პირველად როდი მქონია სხვადასხვა ფესტივალებზე, მაგრამ ჩემთვის მაინც გაუგებარ და ამოუხსნელ ამოცანად რჩება, რატომ განეკუთვნება ეს ფორმატი თეატრალურ ხელოვნებას. ის უფრო სატელევიზო სპექტაკლის სპეციფიკაში თავსდება, ვიდრე ცოცხალ თეატრალურ ურთიერთობაში. დამსწრეების სიუხვის მიუხედავად "წარმოდგენამ" უღიმღამოდ ჩაიარა.

დიდი შთაბეჭდილება მოახდინა "თეატრმა იმ" ისრაელიდან, რომლის რეჟისორიც მარია ნემიროვსკი გახლდათ და მასში სამი მსახიობი ფიოდორ მაკაროვი, ნოამ რუბინშტაინი და იოლანა ზიმერმანი მონაწილეობდნენ. სპექტაკლი ჟანრობრივად მოძრაობის თეატრს

განეკუთვნება, თუმცა ზღვარი ვერბალურსა და არავერბალურ თეატრს შორის მაინც ნაშლილია. მართალია რეჟისორი უარს ამბობს ტექსტის, დრამატურგიის - კლასიკური გაგებით გამოყენებაზე, მაგრამ საერთაშორისო ფრაზები და სიტყვები სპექტაკლში მაინც ვერბალურ დატვირთვას იძენს. სპექტაკლი ეტიუდების პრინციპზეა აგებული, თუმცა სიუჟეტის მთავარი ხაზი არ ირღვევს, რაც საშუალებას აძლევს მაცურებელს პლასტიკის ენით გადმოცემული ისტორიების, სიტუაციების მარტივად გაგებაში. მაია ნემოროვსკის სპექტაკლი "ქაოსური ოდისეა" დაფუძნებულია კაცობრიობის მანძილზე თეატრალურ სფეროში დაგროვილ საუკეთესო მიღწევების, სტილების, ჟანრების ერთობლიობაზე. სპექტაკლი არც მხოლოდ კლოუნადაა და არც ტრაგიკომიკური ფარსი.

"სუხიშვილების ბალეტის" ჩინური ვერსია შემოგვთავაზა ლუი ჟენმა პეკინიდან. "პოლიმენეჯმენტ ჯგუფში" ოცდაათამდე მსახიობია გაერთიანებული, მათ შორის ყველაზე ახალგაზრდა თორმეტი წლისაა, რომელიც ნამდვილ საოცრებებს ახდენს სცენაზე. დასის ფიზიკური მომზადების დონე მაცურებელზე დიდ შთაბეჭდილებას ახდენს. წარმოდგენაში ცეკვის ენით მოთხრობილია და ახსნილია კუნფუს ცხრა გრაგნილის ფილოსოფია, რომელიც გაერთიანებულია მედიტაციურ წარმოდგენაში "კუნფუს გამოცხადება - 9 გრაგნილი". შესაბამისად სპექტაკლი ცხრანაწილისაგან შედგება, რომელიც ევოლუციურად ვითარდება და კულმინაციას ფინალში აღწევს. წარმოდგენის იდეა მაცურებლის კათარზისია.

არანაკლები შთაბეჭდილება მოახდინა ქართველი მაცურებლისთვის უკვე ცნობილმა ფილიპ ჟანტის თეატრმა საფრანგეთიდან. ორი წლის ფილიპ ჟანტის კომპანიამ თბილისის საერთაშორისო თეატრალურ

ფესტივალზე აჩვენა ქართველ მაცურებელს თავისი პროდუქციის ერთი მნიშვნელოვანი პროდუქტი, წელს ისინი სპექტაკლით "უძრავი მოგზაურები" გვეწვინენ. ჟანტის დასი ერთ-ერთი გამორჩეული თეატრალური ჯგუფია ევროპაში, რომელიც თოჯინური თეატრის დრამატულ თეატრთან (და ცოცხალ მსახიობთან) სინთეზს გვიჩვენებს. ბუნებრივია თეატრალური ხელოვნების ეს ფორმა ახალი არ არის, მაგრამ მათ წარმოდგენაში ადამიან-მსახიობის და თოჯინა-მსახიობის ურთიერთკავშირი უმაღლეს ესთეტიკურ და ტექნიკურ დონეზეა მიღწეული. ბუნებრივია, თითოეული მიზანსცენა დახვეწილია და ტექნიკურად გამართულია, მაგრამ სპექტაკლს, რომელიც 90 წუთის განმავლობაში მიმდინარეობს, აკლია ერთიანი სიუჟეტური ხაზი. ცალკეული ეტიუდები თეატრალური ხელოვნების შედევრებს წარმოადგენს, მაგრამ მათი ერთობლიობა არღვევს სპექტაკლის მთლიანობას და ლლის მაცურებელს. ფილიპ ჟანტს აქვს უსაზღვრო ფანტაზია და გამომგონებლობის უნარი, მისი მსახიობები კი მაღალი საშემსრულებლო ოსტატობით, გარდასახვის უნარითა და კარგი ფიზიკური მომზადებით გამოირჩევიან. სპექტაკლის პერსონაჟები მოგზაურები არიან, რომლებიც უნებლიეთ, თავიანთი სურვილის მიუხედავად მოგზაურობენ კონტინენტიდან კონტინენტზე. ამ მოგზაურობის ინიციატორი კი ბუნებრივი კლიმატი და ბუნებაა, ოკეანეში შემთხვევით ჩავარდნილები მოგზაურობის შემდეგ უდაბნოში აღმოჩნდებიან, გზათ კი მათ უამრავი თავგადასავლი ხვდებათ, რომელიც შთამბეჭდავი თეატრალური საშუალებებით არის გადმოცემული სცენიდან პარტერში.

ფესტივალის მაცურებელს წინ ფინელი რეჟისორის "სევედიანი სიმღერები ევროპის გულისგან", მექსიკელების "ჯამბაზების შოუ" და აზდრამის მოლოდინი რეჟისორის პეტრუ ვიტკარაუს სევედიანი კომედია "შექსპირი" ელის. ერთი რჩევა მაცურებელს: ნუ ვიქნებით სნობები და ნუ გადავწყვეთ გვერდი ავუაროთ მდიდარი თეატრალური ტრადიციებით ნაკლებად ცნობილი ქვეყნების დასებს წარმოდგენებს, რადგან დადგა დრო "თეატრი ევროპის გარეთაც ავიდეს მაღალ საფეხურზე" (პიტერ ბრუკი). ბრუკისეული ამ სიტყვების ჭეშმარიტება ბელორუსიის და ისრაელის თეატრალურმა დასებმა უკვე დაამტკიცეს.



სცენა სპექტაკლიდან "ქორწილი"

"გაიღიმათ" "ოსკარს" უღიზის

პირველი გვარდიანს

ვიდრე მოჰამად ჰოსეინი განცხადებებს აკეთებს, სეიდ რეზა მირქარიმის "შაქრის ნატეხი" სულ უფრო უახლოვდება ნიშნულს, საიდანაც ნელ-ნელა სამუდამო დაიწყება უნდა მიეცეს - სადაც ის "ოსკარისთვის" დაბლოკეს, იქ სხვა საერთაშორისო კინოფესტივალისკენ მიმავალ კარსაც ამოუკეტავენ (გამონაკლისი ალბათ მუსლიმური ქვეყნების ფესტივალები იქნება). მსგავსი ტიპის საქციელი კი ირანის მთავრობისგან დიდი ხანია არავის უკვირს. ამისთვის, სულ მცირე, ირანელი კინემატოგრაფისტების მიმართ განხორციელებული დევნისა და დაპატიმრების არაერთი ფაქტის გახსენებაც კმარა.

2011 წელს გადაღებული "შაქრის ნატეხი", როგორც ირანული ფილმების უმეტესობა, დრამა გახლავთ - კონკრეტული ადამიანების ცხოვრების გარკვეულ პერიოდში მომხდარი ისტორიის კვალდაკვალ გაშლილი დრამა. ფილმი ძალიან პოეტურია და ირანის პატარა სოფლის ჩანახატების კრებულს წააგავს. პერსონაჟები ერთი დიდი ოჯახის წევრები არიან, რომლებიც ერთმანეთს მხოლოდ აუცილებლობის შემთხვევაში ეკონტაქტებიან, ყოფით საკითხებზე საუბრობენ, საკუთარ განცდებებსა და ფიქრებს კი მხოლოდ მაყურებელს უზიარებენ. ფილმის მთავარი ხაზი ქორწილის სამზადისზე გადის. ოჯახის ყველა წევრი ერთ ჭერქვეშ იკრიბება, ასეთ დროს კი, როგორც წესი, ყველა მივიწყებული თუ დაფარული წყენა და მოგონება იწყებს ამოტივტივებას. როგორც სეიდ რეზა მირქარიმი ამბობს, "შაქრის ნატეხის" შექმნის იდეა მაშინ გაუჩნდა, როდესაც ირანული ხალიჩების ოსტატების შესახებ დოკუმენტურ ფილმს იღებდა. მისი თქმით, ირანული ხალიჩის ყველა



კადრი სეიდ რეზა მირქარიმის ფილმიდან "შაქრის ნატეხი"

ფერისა და ცალკეული დეტალისგან მიღებული ინსპირაცია "შაქრის ნატეხში" სრულად გამოიყენა, რაც ფილმს არაჩვეულებრივ სანახაობრიობასა და განწყობას უქმნის. როგორც კინომოყვარულებს ახსოვთ, შარშანდელ "ოსკარზე" სწორედ ირანულმა კინომ გაიმარჯვა. ეს გახლდათ ასლარ ფარჰადის "ნადერი და სიმინი. გაყრა", რომელმაც რამდენიმე თვით ადრე ბერლინის კინოფესტივალის რამდენიმე "ვერცხლის დათვიც" მიიღო საუკეთესო სამსახიობო ანსამბლისთვის. "გაყ-

რა" მეორე ირანული ფილმია, რომელიც "ოსკარის" უცხოენოვანი ფილმის ნომინაციაში მოხვდა. პირველი ნომინაცია ირანულმა კინომ 1998 წელს მიიღო. ეს გახლდათ რეჟისორ მაჯიდ მაჯიდის "სამოთხის შეილები", რომელიც იტალიელი რეჟისორ ბენინის ფილმთან "სიცოცხლე მშვენიერია" დამარცხდა. კვლავ შარშანდელ ტრიუმფატორ "გაყრას" დაუბრუნდეთ, რომელთან დაკავშირებითაც ზემოთ აღწერილი ამბის მსგავსი მოვლენები განვითარდა: ეს "ოსკარით" და-

ვიდლოებიდან ორიოდ კვირაში მოხდა, როდესაც სამშობლოში ტრიუმფით დაბრუნებული რეჟისორის საპატივცემულოდ თეირანში დაგეგმილი საზეიმო მიღება, რისი ინიციატორებიც ადგილობრივი სახელოვნებო წრის წარმომადგენლები იყვნენ, ირანის ხელისუფლებამ მოულოდნელად აკრძალა. მთავრობის საქციელი მაშინ ბევრისთვის გაუგებარი აღმოჩნდა, რადგან როდესაც "გაყრამ" "ოსკარი" მიიღო, ეს მოულოდნელად ირანის სახელმწიფო ტელევიზიამ შეაფასა როგორც "სიო-

ნისტურ რეჟიმზე ირანის ისლამური რესპუბლიკის გამარჯვება" (შეგახსენებთ, რომ "გაყრის" ერთ-ერთი კონკურენტი ებრაული "შენიშვნები" იყო), მეტიც, ფილმი ირანის კინოთეატრების ეკრანებზეც გამოვიდა და არაერთი ადგილობრივი მნიშვნელობის კინოჯილდოც მიიღო. შემდგომში გაირკვა, რომ ეს ყველაფერი მხოლოდ თვალის ახვევის პოლიტიკა იყო - ხალხს მისცეს საშუალება თავად ენახათ ფილმი, რომელიც ისლამური საზოგადოების ცხოვრების წესს ეწინააღმდეგება, რათა შემდგომში ხელისუფლებას ის უარყოფით მაგალითად გამოეყენებინა.

ამასობაში კი "ოსკარის" წამზომი ჩართულია - 1 ოქტომბერი ბოლო დღეა, როდესაც ქვეყნებს უცხოენოვანი ფილმის ნომინაციაში მოსახვედრად განაცხადების წარდგენა შეუძლიათ. როგორც რამდენიმე დღის წინ ვივარაუდეთ, წელს ჩვენმა ქვეყანამ რუსულად ჭყონიას სადებიუტო "გაიღიმათ" წარადგინა. ეს ფილმი უკვე ნახეს ვენეციის კინოფესტივალის მიმდინარეობისას, სადაც საკმაოდ კარგი შეფასებებიც მიიღო. ფილმის ჩვენება უკვე დაიწყო ბათუმის "აპოლოში", თბილისის კინოთეატრებში კი, სავარაუდოდ, რამდენიმე კვირაში გადმოიწვევლებს. ამ დროისთვის უკვე ცნობილია კიდევ რამდენიმე ფილმი, რომლებსაც საუკეთესო ხუთეულში მოხვედრის შანსი აქვთ: მიხაელ ჰანეკეს "სიყვარული" (ავსტრია), კომ კი დუკის "პიეტა" (კორეა), კრისტიან მუნჟუს "ბორცვებს მიღმა" (რუმინეთი), კრისტიან პეტცოლდის "ბარბარა" (გერმანია), ვალდემარ კმისტიკის "80 მილიონი" (პოლონეთი), მიხაილ ილიენკოს "ის, ვინც ცეცხლიდან მოვიდა" (უკრაინა), კარენ შახნაზაროვის "თეთრი ვეფხვი" (რუსეთი).

ძალიან მნიშვნელოვანი შეკითხვები

სიცოცხლეზე, სამყაროსა და საერთოდ ყველაფერზე

ბელა ჩაქარიშვილი

ადამიანის განვითარება მაშინ დაიწყო, როდესაც მან შეკითხვა დასვა. ამას ერთნაირად ადასტურებს ბიბლიაც და საზოგადოების განვითარების შემსწავლელი მეცნიერებებიც. ხოლო იმისათვის, რომ მოზარდების განათლების პროცესი მაშინ იქნება ეფექტური, თუკი მათ კითხვა-პასუხის რეჟიმში წარვმართავთ - ამას უკვე პედაგოგიკის ფუნდამენტური გვასწავლიან. სწორედ ამ მიზნით მართავდა დაილოგებს თავის შეგორდებთან სოკრატე ანტიკურ საბერძნეთში. დოქტორი სტივენ ლო კი, 21-ე საუკუნის პატარებს ახალი ტიპის წიგნს სთავაზობს, სადაც თავმოყრილია შეკითხვები, რაც კი თანამედროვე პატარებს შეიძლება მოუვიდეთ თავში, იმ ინფორმაციული გარემოს ფონზე, სადაც მათ ცხოვრება უნევთ. და აქვეა პასუხებიც, თუმცა კი, წიგნის განსაკუთრებულობა და თავად ავტორის ორიგინალურობაც იმაშია, რომ უამრავ შეკითხვას ღიად ტოვებს - ზოგ რამეზე ადამიანს პასუხი ჯერ კიდევ არ გააჩნია, ზოგზეც, სჯობს, პატარამ თვითონ იფიქროს, პასუხების ძიება ხომ ის პროცესია, რაც ჩვენს ცხოვრებას ასეთ ხიბლს ანიჭებს.

"ლოგოს პრესის" ახალი გამოცემა - წიგნი "ძალიან მნიშვნელოვანი შეკითხვები სიცოცხლეზე, სამყაროსა და საერთოდ ყველაფერზე" ავტორმა ოთხ ნაწილად დაყო და შეკითხვები და მისი შესაბამისი პასუ-

ხები გარკვეული ნიშნით დააჯგუფა. სამყარო ერთი დიდი გამოცანაა, გვეუბნება პირველივე თავე და მასში პატარებს საფიქრელად ეძლევა ისეთი საკითხები, რომელიც სამყაროს წარმოშობასა და მის განვითარებას ეხება. აბა დაფიქრდით, რა არის არაფერი? ანდა, რა ხდებოდა დიდ აფეთქებამდე? რამდენად სავარაუდოა, რომ სამყარო სრულად შემთხვევით იყოს ასე ზედგამოჭრილი ჩვენთვის? და ავტორი იხსენებს მწერალ დუგლას ადამსის არაკს პატარა გუბზე, რომელიც ფიქრობს, რომ ის ორმო, სადაც ერთ დილას აღმოჩნდა, ზუსტად მისთვის შეიქმნა. ასე ხომ არ გვემართება ადამიანებსაც?

კარგად დაწერილ საბავშვო წიგნებს ერთი საერთო თვისება აქვთ - მათ დიდი ინტერესით კითხულობენ დიდებიც. ის თავსატეხი კი, რომ სამყაროში ყველაფერი ფიზიკურია, მათ შორის - ცისარტყელაც, თუმცა კი, ცისარტყელას ბადით ვერ დავიჭერთ, დიდებსაც ისევე დაგვაბნევს, როგორც იმ მოზარდებს, ვისთვისაც წიგნი განკუთვნილი.

წიგნის ავტორი არ ერიდება არც ფილოსოფილოსიფიურ შეკითხვებს, არც სამეცნიეროს და არც ზენობაზე ლაპარაკს გაურბის: შეგვიძლია გონების ძალით კოვზი გავლუნოთ? რისგან შედგება ნითიერება? რა არის ცხოვრების საზრისი? ანდა, ბავშვის ხელოვნურად შექმნა არასწორია? რატომაა ქურდობა ცუდი? და გამაბედნიერებს თუ არა ფული? ნებისმიერ ასაკში,



ყველაზე რთული ზნეობისა და ნამდვილი ფასეულობების განსაზღვრა. წიგნი აგებულია იმ პრინციპზე, რომ ადამიანის მოტყუება არ შეიძლება, მათ შორის არც იმათი, ვისაც ჯერჯერობით ტყუილ-მართალის

გარჩევა არ შეუძლია, რის გამოც ხშირად, მათ მიერ დასმულ შეკითხვებს კითხვებს იგავურად ვფუთავთ. მეცნიერებს ბევრ შეკითხვაზე არ აქვს პასუხი, ბევრზეც - მშობელს, და ნუ შეგრცხვებათ, თუკი თქვენი

შვილების წინაშე ამის აღიარება მოგიწევთ. ეს გაცილებით სასარგებლოა, ვიდრე შეფუთული ტყუილი.

"მეცნიერები ბევრ რამეს დაკვირვებითა და ცდების ჩატარებით შეისწავლიან, ისინი შესაძლებელს ხდიან იმასაც, რაც მანამდე შეუძლებელი იყო, მაგალითად, მათი წყალობით ახლო უფრო დიდი ბომბების დამზადება შეგვიძლია. მაგრამ მეცნიერება ვერ გვეტყვის, უნდა გავაკეთოთ ეს ყველაფერი თუ არა. როცა საქმე კარგა და ცუდს ეხება, მეცნიერება უმეტესად დუმს, თუ პასუხი გვჭირდება, თავად უნდა მივხვდეთ. სწორედ ამას ცდილობენ ფილოსოფოსები", - ამბობს დოქტორი ლო წიგნის შესავალ ნერილში და ჩვენს შვილებს კიდევ ერთხელ იხვევს, დაფიქრდნენ (ოღონდ ნიშნების დაწერისა და დასჯის შიშის გარეშე), რა არის ცოდნა და რატომაა ასე მნიშვნელოვანი რალაც-რალაცები იცოდნენ. და იქვე ამხნევებს, რომ ამ წიგნის კითხვა შეუძლიათ ნებისმიერი გვერდიდან დაიწყოთ, ოღონდ ახსოვდეთ, ნებისმიერი საკითხის გადაწყვეტისას იფიქრონ, მაშინაც კი, თუნდაც ეკანოთ, რომ პასუხი იციან. და ახსოვდეთ ისიც, რომ საბოლოო გადაწყვეტილების მიღება მათზეა, და რომ შეცდომების დაშვებაც არ არის დანაშაული, თუ ამას მათი მხრიდან შემდეგ დაფიქრება და განსჯა მოჰყვება.

კითხვა-პასუხის გარდა, ბავშვები წიგნში სახალისო ნახატებს, თავსატეხებსა და უცნაურ ციტატებსაც ნახავენ.

სუდი ბიჭის დიდი ვაშლი



რაშიდ უოლასი "ნიქსის" ვარიანტზე ფიქრობს



შიდი "სელტიქსში" ერთ-ერთი საინტერესო პერსონა იყო

ზურაბ თალაქვაძე

ნიუ იორკში მაგარი ბანდა იკრიბება. ნიჭიერი და ეგოისტი კარმელო ენტონი, ერთფეროვანი და მაინც სექსუალური ამარე სტაუდმაიერი, მეჯიქს ჯონსონის კურსელი ჯეისონ კიდი, კრიმინალი და შეთავსებით კალათბურთელი ჯეი არ სმიტი, "მედისონ სკვერ გარდენის" ფრანკენშტეინი მარკუს კემბი. კიდევ რამდენიმე კარგი ბიჭი (აიბან შამპერტი, რეიმონდ ფელტონი, სტივ ნოვაკი, რონი ბრიუერი, არგენტინელი პროფესორი პაბლო პრიჯიონი). "მედისონ სკვერ გარდენის" გასახდელში შევა კურტ ტომასიც. ბიძია კურტი 39 წლისაა. "ინდიანას" მთავარი მწვრთნელი ფრენკ ვოგელიც 39 წლის არის. "ნიქსი" ლიგის ცირკია და ცირკში ხშირად ბოსი, დევიდ სტერნიც დადის.

გუნდს შარშან ალაგებდნენ. მაიკ დანტონიმ ეს პროცესი ბოლომდე ვერ მიიყვანა და სტივ ნეშის ნამოყვანის თემაც დაიხურა. ნეში კიდმა შეცვალა. ჯეისონში რამდენიმე ნორმალური რეგულარული დარჩა და კიდმა "ნიქსი" გამოცდილების შადრევანში უნდა გაატაროს. კიდთან ერთად გუნდები ბევრს სწავლობენ და ჯეისონი ლიგის ინდიანა ჯონსია. კიდმა "ნიუ ჯერსი" საკოლეჯო დონიდან სუპერფინალამდე (ორჯერ) მიიტანა. "დალასში" ჯეისონი ჯეკ-პოტს ხსნის. კიდი უნიკალური ბაბუაა. კიდის 17 071 ქულა, 11 842 პასი და 8 402 მოხსნა კლასიკაა. კალათბურთის ქაშმირი. უპეიჯოდ და ბონემის გარეშე, მაგრამ მაინც განსაკუთრებული, ძველი, კლასიკური ფეფქტით.

"ნიქსმა" ძველი ბიჭებიდან კიდევ ერთს მიაგნო. ეს ბიძა თავისთვის, ეზოში ვარჯიშობს მინუს პიატში და მეზობლებს გახდაზე ეთამაშება. ეს ბიძა ღამის კლუბებში დადის და მოცეკვავე გოგონებთან ერთად ფიზიკური კონდიციების გაუმჯობესებაზე ჩალიჩობს. ეს ბიძა ტიმ დანკანთან ერთად მოდიოდა სტერნის ლიგაში და ტიმის ბევრი ნაკანრი, ცუდი მოგონება დაუტოვა. დანკანს ეს ახსოვს და

დანკანი ამ ბიძას პატივს სცემს. ეს ბიძა შერონ სტოუნთან ერთად ლაბრადორებს ასეირნებდა. ეს ბიძა რაშიდ უოლასია.

"ნიქსს" უნდა უოლასი. უოლასს უნდა კალათბურთის თამაში. ჯერ ვერ იცის, "ნიქსთან" თუ მეზობლებთან ერთად. ნიუ იორკში მინუს პიატს არ ეთამაშებია. ან, დიდი-დიდი, ვარჯიშებზე. უოლასმა წინა შაბათს ივარჯიშა გუნდთან ერთად, რამდენიმე უოლასური სამიანი ჩააგდო და გაერთო. "ნიქსის" მწვრთნელებმა რაშიდს, ყოჩაღ, კაი ბიჭი ხარ, ამ სეზონში გამოგიყენებთ და არ იცელებო, - უთხრეს. უოლასს მოეწონა შესტი. შიდი ფიქრობს.

უოლასიც 39 წლის მგელია. ნიუ იორკში 39 წლის ბიძების გამოფენაა. პოდიუმზე კიდი და ტომასი გავლენ. თუ "ნიქსი" უოლასს დაკერავს, იქ მისტერ უოლასიც იქნება. ბრავო!

უოლასს ერთი პრობლემა აქვს. შიდის აგენტმა, ბილი სტრიკლენდმა, ახლობლებთან ნაიჭორავა, ჩემი ბიჭი ფორმაშია, მაგრამ ვარჯიში ეზარება, ლიგიდან წასვლის შემდეგ (2009/10) უკვე ექვს გუნდს უთხრა უარი და არა მგონია, დაბრუნდესო. უოლასი გაიზარდა. უოლასი ადარ ცელქობს და უოლასი მოტივაციას თან, გამორღვეულ ზურგჩანთაში არ ატარებს. შიდიმ მანამდე "სან ანტონიოს" შეთავაზება მიიღო. და გადააგდო. მანამდე იყო "ბოსტონის", "ლეიკერსის", "ფინიქსის", "ორლანდოს", "დეტროიტის" ვარიანტები. "სან ანტონიოს" გარდა, დანარჩენი გუნდებისგან ერთნაირი, ვეტერანის მინიმალური კონტრაქტის შეთავაზება იყო. რაშიდ უოლასი ჯერ იკვანთებდა ერთად ისვენებს.

სტრიკლენდი: "ნიქსისგან" ოფიციალური შეთავაზება არ ყოფილა. რაშიდმა მომწერა, რომ კლუბმა მას ერთი წლით მეგობრობა შესთავაზა, მაგრამ ეს იყო ვარჯიშზე და იმ ვარჯიშს არ ესწრებოდა მაიკი (ვუდსონი, "ნიქსის" მთავარი მწვრთნელი). რაშიდს ვერაფერს ვერ ვურჩევ. დიდი ბიჭია და თუ დაბრუნება უნდა, დაბრუნდება.

უოლასის ბოლო სეზონი "ბოს-

ტონში" იყო. კევენ გარნეტთან ერთად. პოლ პირსთან ერთად. რაჟონ რონდოსთან ერთად. რეი ალენთან ერთად. იმ გუნდიდან "სელტიქსში" სამი ტუზი დარჩა. ალენი "მაიამიში", ლებრონთან მიდის. უოლასმა და "ბოსტონმა" სუპერფინალამდე გაქაჩეს და იქ ოქროსფერი, ბოროტი და ბრაიანტის "ლეიკერსი" იდგა. "სელტიქსი" სერიას 3:2 იგებდა და ვერ გაძლო. ბოლო თამაშში, "ბოსტონმა" ლოს ანჯელესში დიდი სხვაობით წაიყვანა და პო გასოლმა კობის სერია, კიდევ ერთი ბეჭედი დაუტოვა. გასოლმა იმ ტესტში 18 მოხსნას იღებს. პო სერიოზული იყო. "ლეიკერსმა" სერია 4:3 დახურა და რაშიდ უოლასმა კარიერა დაამთავრა.

შიდის პირველი რეალური გუნდი "ვაშინგტონია" (1995/96). მაშინ ვაშინგტონში "ბულეტისი" იყო და შიდისთან, კიდევ ერთ ახალგაზრდა ფორვარდთან, ჯუვან ჰოვარდთან ერთად "ვაშინგტონი" ფლეი-ოფში ვერ შედის. გუნდმა რეგულარული 39 მოგებით, 43 ნაგებული მატჩით დახურა. უოლასი კარიერას 10.1 ქულით და 4.7 მოხსნით ხსნის. იმ სეზონში NBA განსაკუთრებული იყო.

უოლასთან ერთად, ლიგაში შედიან კევენ გარნეტი, მაიკლ ფინლი, ჯერი სტექპაუზი. რეგულარულის საუკეთესო პირველწლიანი გახდა "ტორონტოს" პატარა კაცი ამარე სტაუდმაიერი.

მეჯიქ ჯონსონი 32 თამაშით დაბრუნდა. "ლეიკერსმა" მეჯიქის რამდენიმე მილიონი მაისური გაყიდა და მისტერ ჯონსონი წავიდა. საბოლოოდ.

ჰაკიმ ოლაჯუონმა გაასწრო ქარიშხალი ყველაზე მეტი დაფარება დააგროვა. ჯონი სტოქტონი ორ ისტორიულ რეკორდს ხსნის, ჩაჭრებში (მორის ჩიქსი მოხსნა) და პასებში (მეჯიქი). ჯაბარს რობერტ პერიშმა ცა დააღურცა ჯოკერზე ჯოკერი - Most Games Played. ბელადი საქმეს მაგრად აკეთებდა.

"ვაშინგტონმა" სეზონი დაასრულა და უოლასი "პორტლენდში" გაუშვა. "ტრეილ ბლეიზერსმა" შიდისთან ერთად მიიღო მიტჩელ

ბატლერი და ორეგონში ჩადის ჭკვიანი გამთამაშებელი როდ სტრიკლენდი. ჰარვი გრანტთან ერთად. კარგი ვარიანტია ორივე გუნდისთვის. "ბულეტსმა" კლასიკური პირველი ნომერი დაირტყა. რაშიდმა "დეტროიტთან" ერთად (2004) მოიგო ფინალი. უოლასი იმ გუნდის აგრესორი, დინამიტი, უანგაინი სამართებული იყო. დეტროიტმა გახსნა ის სამართებული და ლოს ანჯელესი "პისტონს" არ გაეკარა, ინფექციის და ღრმა ჭრილობის შეეშინდა. "დეტროიტი" და უოლასი ბოლო სერიას 4:1 იგებენ. სილვესტერ სტალონეს "გასასაღებლების" გადაღების სურვილი იმ "დეტროიტის" კალათბურთის შემდეგ გაუჩნდა. სტეთემი, ლუნდგრენი, არნოლდი, რურკი, კუტიური და უილისი იყვნენ ჩონსი ბილაფსი, ბენ უოლასი, რიჩარდ ჰამილტონი, ტაიშონ პრინსი, ანტონიო მაკდაიესი და ჩვენი ახლობელი, რაშიდ უოლასი. ის გუნდი რობერტ როდრიგესის თრეში იყო.

მაიკ ვუდსონის და უოლასის მეგობრობა იმ "დეტროიტიდან" იწყება. ვუდსონი მთავარი მწვრთნელის, ლარი ბრაუნის ასისტენტი იყო. ბარუნი ერთი წლის შემდეგ ფინალს თავის მეგობართან, პოპოვიჩთან წააგებს. არანორმალური სერია იყო.

"ნიქსის" რუსტერში ყველაზე კარგი დამცველი ტაისონ ჩენდლერია. ბიჭი ლიგაშიც პირველია და თუ გუნდი უოლასს აიყვანს, ვუდსონის გეტოში სისხლიანი დაცვა იქნება.

კარმელოს, ამარეს და ჩენდლერის გუნდი წინა ფლეი-ოფის პირველ წრეში "მაიამისთან" აგებს. ლებრონის და უეიდის გუნდთან შარშან, ფლეი-ოფში, ყველამ წააგო. უნდა წაეგო და წააგო. უოლასის ტრანსფერი ჯეისონის პრობლემას ვერ მოაგვარებს, მაგრამ გუნდში გამოცდილების დიდი მარაგი მთავარია.

ნიუ იორკი დიდი ვაშლია. უოლასი დიდი ხულიგანია. "ნიქსი" გაპიარებული გუნდია.

სადაც, რაღაც მომენტში, შიდი და "ნიქსი" ერთმანეთს შეავსებენ. საინტერესო იქნება.

უვარჯიშებელი უოლასი ბევრ ნავარჯიშებ ტიპზე კარგია. კლასით, აგრესიით.

უოლასის კარიერაში 15 860 (14.6) ქულა, 7 321 (6.7) მოხსნა, 1 988 (1.8) პასი, 1 445 (1.3) დაფარება, 1 077 (1.0) ჩაჭრა, 1 064 ზუსტი სამიანი და ლიგის ისტორიაში (რეგულარულების ამბავში) ყველაზე ბევრი (41) ტექნიკური ფოლია. უოლასი თავისი გენერაციის დენის როდმანი, ჰაშიშის და ელესდეს სიტობოში გაზრდილი დასერიანგებული ბიჭი იყო. უოლასი იღებს ბრეიქს და ბრეიქი მალე დამთავრდება. წესით, უნდა დამთავრდეს. We miss U, bad boy. ალბათ, იგივეს თქმა არ შეუძლია ტიმ დანკანის მოხუც სხეულს. ტიმის საკოლეჯო დონიდან ყველა დონემდე შიდისგან ბევრი მოხვდა. უოლასი თავის მულამში ლეგენდა იყო. და ლეგენდა ბრუნდება.

ნიუ იორკში მაგარი ბანდა იკრიბება. ნიჭიერი და ეგოისტი კარმელო ენტონი, ერთფეროვანი და მაინც სექსუალური ამარე სტაუდმაიერი, მეჯიქს ჯონსონის კურსელი ჯეისონ კიდი, კრიმინალი და შეთავსებით კალათბურთელი ჯეი არ სმიტი, "მედისონ სკვერ გარდენის" ფრანკენშტეინი მარკუს კემბი. კიდევ რამდენიმე კარგი ბიჭი (აიბან შამპერტი, რეიმონდ ფელტონი, სტივ ნოვაკი, რონი ბრიუერი, არგენტინელი პროფესორი პაბლო პრიჯიონი). "მედისონ სკვერ გარდენის" გასახდელში შევა კურტ ტომასიც.

"ნიქსმა" ძველი ბიჭებიდან კიდევ ერთს მიაგნო. ეს ბიძა თავისთვის, ეზოში ვარჯიშობს მინუს პიატში და მეზობლებს გახდაზე ეთამაშება. ეს ბიძა ღამის კლუბებში დადის და მოცეკვავე გოგონებთან ერთად ფიზიკური კონდიციების გაუმჯობესებაზე ჩალიჩობს. ეს ბიძა ტიმ დანკანთან ერთად მოდიოდა სტერნის ლიგაში და ტიმის ბევრი ნაკანრი, ცუდი მოგონება დაუტოვა. დანკანს ეს ახსოვს და დანკანი ამ ბიძას პატივს სცემს. ეს ბიძა შერონ სტოუნთან ერთად ლაბრადორებს ასეირნებდა. ეს ბიძა რაშიდ უოლასია.

"ნიქსს" უნდა უოლასი.

საქართველო ევრობასკეტბოლის მხეთე კალათაშია

პირველი გვირგვინი

შესაბამისი თანმიმდევრობით გადამაწვინებელი ფინალისტი საფრანგეთი და მესამე-მეოთხე ადგილებზე გასული რუსეთისა და მაკედონიის ნაკრებები.

მეორე კალათაში მოხვდნენ მე-5 ადგილზე გასული ევროპის ჩემპიონატის მასპინძელი ლიტვა, მე-6 ადგილზე გასული საბერძნეთი, მომავალი ევრობასკეტბოლის მასპინძელი სლოვენია და ლონდონის ოლიმპიური თამაშების მასპინძელი დიდი ბრიტანეთი.

მომდევნო კალათიდან ნაკრებები უკვე 2013 წლის ევროპის ჩემპიონატის საკვალიფიკაციო წრეში ასპარეზობის შესაბამისად დალაგდნენ - იტალია, ხორვატია, გერმანია და მონტენეგრო, რომლებმაც ეს ეტაპი დაუმარცხებლად გაიარეს და მე-3 კალათაში მოიყარეს თავი.

მე-4 კალათაში ის გუნდები მოხვდნენ, რომელთაც საქართველოს მსგავსი მოგება-წაგებათა ბალანსი ჰქონდათ, მაგრამ კოეფიციენტის გუნდს ბურთების შეფარდებით აჯობებს. ესენი არიან: ფინეთი, პოლონეთი, უკრაინა და ბოსნია-ჰერცეგოვინა.

მე-5 და მე-6 კალათებში, მეოთხეზე ძლიერი თუ არა, სუსტი ნაკრებები არ არიან განთესილნი.

მე-5 კალათაში საქართველოს ნაკრები პირველ გუნდად გამწვინდა და ბელგიას, ლატვიას და თურქეთს ჩაუდგა სათავეში. მე-6 კალათაში ვხვდებით ჩეხეთს, სერბეთს, ისრაელსა და შვედეთს.



ვიქტორ სანიკიძის სლემ-დანკებს ევროპაზეც ვიხილავთ

- 2013 წლის ევრობასკეტბოლის განთავსება:**
1. ესპანეთი, საფრანგეთი, რუსეთი, მაკედონია
 2. ლიტვა, საბერძნეთი, სლოვენია, დიდი ბრიტანეთი
 3. იტალია, ხორვატია, გერმანია, მონტენეგრო
 4. ფინეთი, პოლონეთი, უკრაინა, ბოსნია-ჰერცეგოვინა
 5. საქართველო, ბელგია, ლატვია, თურქეთი
 6. ჩეხეთი, სერბეთი, ისრაელი, შვედეთი

ევრობასკეტბოლის ფინალური წრის რეგლამენტის თანახმად, 24 ნაკრები ოთხ 6-გუნდიან ჯგუფში გადანაწილდება. მათ შორის სამ-სამი საუკეთესო მეორე ჯგუფურ ეტაპზე

გააგრძელებს ასპარეზობას. რჩეული 12 გუნდი ორ ჯგუფად დაიყოფა. პირველ-მეოთხე ადგილზე გასული კი მეოთხედფინალში დაუპირისპირდებიან ერთმანეთს და

ოლიმპიური სისტემით გააგრძელებენ ასპარეზობას.

ევრობასკეტბოლის კენჭისყრას 18 ნომბერს სლოვენია, კერძოდ, პოსტიონას მღვიმე უმასპინძლებს.

"ტორკედომ" ლიდერობა შეინარჩუნა

საქართველოს საფეხბურთო ჩემპიონატის მე-7 ტურის შემდეგ, სატურნირო ცხრილში ლიდერთა მდგომარეობა მკვეთრად არ შეცვლილა. გათამაშების ლიდერებმა - თბილისის "დინამომ" და ქუთაისის "ტორპედომ" სტუმრად საქმეებისა და ფოტოში, თითო ქულა აიღეს და 16-16 ქულით პირველ-მეორე ადგილებს ინარჩუნებენ. "ტორპედოს" მეტოქეზე ერთი ბურთით მეტი აქვს გატანილი და ამიტომ სათავეში უდგას სატურნირო ცხრილს.

მდგომარეობა საგრძნობლად გაუმჯობესდა გორის "დილამ". "დინამოს" დამარცხების შემდეგ გორელებმა საქართველოს ვიცე-ჩემპიონის, რუსთავის "მეტალურგისთვის" მოიცალეს და მეტოქე დიდი ანგარიშით - 3:0 დაამარცხეს. შეხვედრა გორელთა აშკარა უპირატესობით წარიმართა და მატჩის 21-ე წუთზე კვირკველიამ გახსნა ანგარიში.

დანარჩენი გოლები მეორე ტაიმში გავიდა. მე-60 წუთზე ჯერ მოედებად გამოიჩინა თავი, ხოლო თამაშის დასრულებამდე 4 წუთით ადრე გიგა ბეჭვაია წერტილი დაუსვა რუსთაველთა განადგურებას. 3:0 და გორის "დილა" 10 ქულით მეხუთე ადგილზე დამკვიდრდა.

რამდენიმე წარუმატებელი მატჩის შემდეგ გამარჯვება მოიპოვა საქართველოს ჩემპიონმა "ზესტაფონამც". ზესტაფონელებმა სტუმრად "ვიტ ჯორჯიას" დამარცხება მოახერხეს. მატჩის კულმინაცია 90-ე წუთზე გათამაშდა, როცა იმერლები 2:1 იგებდნენ. ჯერ ჯორჯიელებმა ბესიკ ჩიმაკაძემ გაათანაბრა ანგარიში, მსაჯის მიერ კომპენსირებულ დროში კი რატი წინამძღვრიშვილმა დუბლი შეასრულა და "ზესტაფონს" ჩემპიონატში მესამე გამარჯვება მოუტანა.

კოლხეთი - ტორპედო1:1
ვიტ ჯორჯია - ზესტაფონი2:3
დინამო (ბთ) - მერანი4:0
დილა - მეტალურგი3:0

ტორპედო.....7 5 1 1 18:5 16
დინამო (ბთ)....7 5 1 1 17:4 16
ჩიხურა.....7 4 1 2 10:8 13
მეტალურგი....7 4 0 3 6:9 12
დილა.....7 3 1 3 10:7 10
ზესტაფონი.....7 3 1 3 7:4 10
ბაია.....7 2 4 1 7:4 10
მერანი7 3 0 4 4:12 9
სიონი.....7 1 4 2 7:8 7
დინამო (ბთ)....7 1 2 4 7:14 5
ვიტ ჯორჯია...7 1 2 4 4:11 5
კოლხეთი.....7 0 3 4 3:13 3

საქართველოს ჩემპიონატი, მე-7 ტური:
სიონი - ბაია0:0
ჩიხურა - დინამო0:0

ალპინისტურმა საზოგადოებამ ზურაბ სუჯაშვილი დაქარბა

გარდაიცვალა ცნობილი ქართველი მთამსვლელი, საქართველოს მთამსვლელთა ნაკრების წევრი (1978-1988 წწ.) ზურაბ სუჯაშვილი.

ზ. სუჯაშვილი 1952 წელს დაიბადა ხევში (ყაზბეგის რაიონი სოფ. გერგეტი).

ვისაც ქართულ ალპინიზმთან შეხება ჰქონია, იცის, რომ მთამსვლელობის აკვანი სწორედ ხევში დაიწყო. აქ მხედველობაში არა გვაქვს მხოლოდ მყინვარწვერზე გიორგი ნიკოლაძის და ალექსანდრე დიდებულის ხელმძღვანელობით განხორციელებული 1923 წლის ასვლები, რომლებიც ალპინიზმის დასაბამადაა მიჩნეული არა მხოლოდ საქართველოში, არამედ ყოფილ მთელ საბჭოთა კავშირში.

ქართველებს გვაქვს უტყუარი ცნობა, რომ მსოფლიო ალპინიზმის ფუძემდებლად ყაზბაღისა და მიშელ პაკართან ერთად ვაღიაროთ მღვდელი ოსებ მოხვევე, რომელმაც ერეკლე II მეფობის ფაშა მოახდინა ასვლა მყინვარწვერზე. ესეც არ იყოს, ხევის წარმომადგენლებს განსაკუთრებული წვლილი აქვთ შეტანილი ალპინიზმის პოპულარიზაციისა და განვითარების საქმეში და უდაოდ მათი დამსახურება იმაშიც, რომ მთამსვლელობა საქართველოში დღეს სპორტის ეროვნულ სახეობადაა მიჩნეული.

ზურაბ სუჯაშვილს და მისი თანატოლების გატაცება ალპინიზმით სულ არ იყო შემთხვევითი. ხევი (ყაზბეგის რაიონი) ქართული მთამსვლელობის ნამდვილი "მეკა" იყო. არც ალპინიზმის ქეშმარიტ

რანდთა სახეები აკლდა ხევის: გ. ნიკოლაური, ი. კაზალიკაშვილი, ნ. ქირიკაშვილი, ა. ხეთაგური, შ. ჩოფიკაშვილი, ა. ლუდუშაური, ვ. ხუციშვილი, ლ. სუჯაშვილი, ვ. ქირიკაშვილი, ვ. ფიცხელაური, დ. ალიბეგაშვილი, ს. კაზალიკაშვილი, გ. სუჯაშვილი და მრავალი სხვა.

ზურაბ სუჯაშვილი მთამსვლელობას სულიერად თსუ-ს ალპინიზმში ეზიარა, პირველი ალპინისტური ასვლა 18 წლისამ შეასრულა "ნიკოლაევის" პიკი ("ცივის" რაიონი).

თბილისის სახელმწიფო უნივერსიტეტის ალპსექციის განვითარების შემდეგ (1974 წ.). ზ. სუჯაშვილისათვის მთამსვლელობა ცხოვრების განუყოფელ ნაწილად იქცა.

1977 წლიდან ზ. სუჯაშვილი უკვე საქართველოს მთამსვლელთა ნაკრებშია და სპეციალური პროგრამით გადის წვრთნას. 1982 წელს ზ. სუჯაშვილმა შეასრულა სპორტის ოსტატობის კანდიდატის ნორმატივი და საქართველოს ნაკრების ძირითად შემადგენლობაში ჩაირიცხა და მასთან ერთად განახორციელა ურთულესი ასვლები როგორც კავკასიონზე, ასევე პამირის მთიანეთში.

"შეტონზე" (N 3209) გამოცდის ჩაბარების შემდეგ (1982 წ.) ზ. სუჯაშვილი დაინიშნა ალ. ჯაფარიძის სახელობის საქართველოს ალპელების ყაზბეგის საკონტროლო-სამაშველო პუნქტის ინსტრუქტორად და როგორც კვალიფიკაციურმა მაშველმა, ათობით საძიებო-სამაშველო ოპერაციებში მიიღო მონაწილეობა.

სპორტული მიღწევების პარალელურად ზ. სუჯაშვილი, როგორც მთამსვლელობის ინსტრუქტორ-მეთოდისტი, ნაყოფიერ პედაგოგიურ მოღვაწეობასაც ეწეოდა ალპინიზმში და მნიშვნელოვანი წვლილი შეჰქონდა ამ სახეობაში ახალი კადრების მომზადების საქმეში.

ამ ქვეყნიდან მისი უდროოდ წასვლა დიდი დანაკლისა არა მხოლოდ ოჯახისთვის და ახლობლებისთვის, არამედ მთელი ქართული ალპინისტური საზოგადოებისთვისაც.

საქართველოს მთამსვლელთა ფედერაციის პრეზიდენტი; საერთაშორისო კლასის სპორტის ოსტატი; თსუ ნახევარგამტართა ფიზიკის სამეცნიერო-კვლევითი ინსტიტუტის დირექტორი შოთა მირიანაშვილი



მარკოიშვილი ევროლიგას უახლოვდება

მანუჩარ მარკოიშვილის "კანტუმ" წარმატებით დაძლია ევროლიგის საკვალიფიკაციო ეტაპის პირველი ბარიერი. გათამაშების სისტემა ასეთია: ევროლიგის ბოლო, ერთი საგზურისთვის 8 გუნდი იბრძვის. ესენი არიან: ყაზანის "უნიკსი", გერმანული "ულმი", უკრაინული "დონეციკი", ფრანგული "ლე მანი", ჩეხური "ნიმბრუკი", ბელგიური "ოსტენდე" და ბულგარული "აკადემიკი". ეს უკანასკნელი უკვე გამოეთიშა საგზურისთვის ბრძოლა, ბულგარელები მეოთხედფინალური დაპირისპირებიდან კანტუმელებმა გამოაგდეს. სწორედ პლე ოფის სისტემით იმართება საკვალიფიკაციო ეტაპი. 8 გუნდი დაწყვილდა და მომდევნო ეტაპზე გასვლა ერთი გამარჯვებით მიიღწევა.

პირველი გამარჯვება და ნახევარფინალის საგზური "კანტუმ" საკმაოდ დაძაბულ ბრძოლაში მოიპოვა.

მარკოიშვილი სასტარტო ხუთუთუმი იყო და მოედანზე 33 წუთი გაატარა. ქართველმა უკანასკნელმა 10-დან 5 ორქულიანი, 3-დან 1 სამქულიანი და 2 საჯარიმო ჩააგდო, 15 ქულას კი 3 შედეგიანი გადაცემაც წაამატა. მარკოიშვილმა ბურთი ორჯერ დაკარგა, 4 პერსონალური ფოლი მიიღო, მის წინააღმდეგ კი სამჯერ დაჯარიმდნენ.

დღეს "კანტუმ" "ნიმბრუკს" დაუპირისპირდება.

ესპანელები დელ ბოსკეს საუკეთესო მწვრთნელად თვლიან

ესპანეთის ნაკრების მთავარმა მწვრთნელმა ვისენტე დელ ბოსკემ ქვეყნის საუკეთესო სპორტული სპეციალისტის გამოსავლენ გამოკითხვაში ყველაზე მეტი ხმა დააგროვა.

ესპანური გამოცემა AS აქვეყნებს ფონდ Salmatino-ს მიერ მომზადებული საზოგადოებრივი გამოკითხვის შედეგებს. შეკითხვა ასეთი იყო: "ვის თვლით ქვეყნის საუკეთესო მწვრთნელად?"

გამოკითხულებს უნდა აერჩიათ ესპანელი მწვრთნელი ან ის მწვრთნელი, რომელიც მუშაობს ესპანელ სპორტსმენებთან და გუნდებთან. ყველაზე მეტი ხმა დააგროვა მსოფლიოსა და ევროპის ჩემპიონის საფეხბურთო გუნდის დამრიგებელმა ვისენტე დელ ბოსკემ - 36,61 პროცენტი. მეორე ადგილი დაიკავა "ბარსელონას" ყოფილმა დამრიგებელმა პეპ გუარდიოლამ, რომელსაც უპირატესობა მიანიჭა გამოკითხულთა 29,32 პროცენტმა.

მადრიდის "რეალის" მწვრთნელმა, პორტუგალიელმა ჟოზე მოურინიომ რესპონდენტთა 7,06 პროცენტი დააგროვა.

არასაფეხბურთო სპეციალისტთა შორის საუკეთესო მჩვენებელი აღმოჩნდა ჩოგბურთელ რაფაელ ნადალის ბიძას და მწვრთნელს ტონი ნადალს (4,42).

ამ გამოკითხვამ გამოაოცინა ისიც, რომ გვარდიოლა ქალებში და ზოგადად 25-დან 34 წლამდე ადამიანებში სარგებლობს ყველაზე მეტი პოპულარობით. დელ ბოსკე კი ამ მხრივ ენებულთა უფროსი ასაკის ადამიანებში პოპულარული. მოურინიო ამავე სტატუსით სარგებლობს 18-დან 24 წლამდე ახალგაზრდებს შორის.

"ინტერს" ბალოტელის დაბრუნება სწადია

მილანის "ინტერის" ხელმძღვანელები გუნდსი შემტევი პოტენციალის გაზრდას აპირებენ და ამ მიზნით "ნერაძურში" მარიო ბალოტელის დაბრუნება სურთ.

ალსანიშნავია რომ "ინტერის" კიდევ ერთ სამიზნეს ესპანეთის ნაკრების ბლიბაოს "ატლეტიკის" ფორვარდ ფერნანდო ლორენტე წაორმოადგენს. ზამთრის სატრანსფერო პერიოდში "ინტერი" ამ ორი ფორვარდიდან ერთ-ერთს გადაიბრუნებს შეეცდება.

კანუტე ფეხბურთიდან წავიდა

35 წლის მალეღმა ფორვარდმა ფრედერიკ კანუტემ ფეხბურთელის კარიერა დაასრულა. "სანჩეს პისხუანზე" მისულმა 32000 გულშემატკივარმა ოვაციებით გააცილა ბოლო წლებში ანდალუსიელთა საუკეთესო ბომბარდირი. კანუტემ 2005-2012 წლებში ითამაშა "სევილიაში" და ორჯერ მოუგია უეფას თასი (2006, 2007), სულ კი ანდალუსიურ გუნდში, ყველა ტურნირში ერთად, 136 გოლი გაუტანია.

სერბეთში ყველაზე სწრაფი გოლი გაიტანეს

სერბეთში თანამედროვე ფეხბურთის ისტორიის ყველაზე სწრაფი გოლი გავიდა. ეს მოხდა ბელგრადული გუნდების "პოლიოტისა" და "დორჩოლის" ახალგაზრდული შემადგენლობების მატჩის გოლი ნამუხე.

ისტორიული გოლი ასე გავიდა - "პოლიოტის" ნახევარცმველმა იმის ნაცვლად, რომ მსაჯის სასტარტო სასტენის შემდეგ ბურთი პარტნიორისთვის დაეგორებინა პირდაპირ კარში დაარტყა, დარტყმა იმდენად კარგი გამოდგა, რომ ანგარიშიც გაიხსნა.

ისლა დაგვრჩენია გითხრათ, რომ ამ გოლის ვიდეოჩანაწერს youtube-ზე უკვე ნახევარ მილიონამდე მნახველი ჰყავს.

კოული "ჩელსისთან" ხელშეკრულების გაგრძელებაზე უარს ამბობს

"ჩელსის" მცველმა უშლი კოულმა ლონდონურ კლუბთან ხელშეკრულების გაგრძელებაზე უარი თქვა. Soccernet-ის ცნობით, "არისტოკრატებმა" 31 წლის კოულს ერთწლიანი კონტრაქტი შესთავაზეს, რამაც ფეხბურთელი არ დააკმაყოფილა.

საქმე ისაა, რომ "ჩელსი" შემადგენლობის გაახალგაზრდავებას ცდილობს და ვეტერანებთან სხვაგვარი დამოკიდებულება აქვს - მოკლე ვადიან ხელშეკრულებებს აფორმებს. კოულს კი სურს, რომ საკუთარ მომავალში დარწმუნებული იყოს და ლონდონელებსგან მორიგ შემთავაზებას ეუფოს, რომელიც უფრო ხანგრძლივი იქნება. იმ შემთხვევაში თუ "ჩელსი" საკუთარ დამოკიდებულებას არ შეცვლის, კოული იანერის სატრანსფერო სეზონში სხვა კლუბებთან დაინყებს მოლაპარაკებებს.

ბიბანტაბი

ალექსანდრე ასათიანი

ივან ლენდლი იგებდა ყველაფერს და ვერ გაიარა მწვანე მილი უიმბლდონზე. პიტ სამპრასმა მოიგო ყველა მეიჯორი და ვერ გავიდა როლან გაროს ფინალში. ერთხელ ჩაჯდა გრუნტის დიდი სლემის ნახევარფინალში და ამერიკელს იქ ევგენი კაფელნიკოვმა აუნია ყური. ანდრე აგასიმ ყველაფერი მოიგო და ანა-ბოლიკებზე იჯდა. ანდრე მაინც აგასია. ბიორნ ბორგმა სადღაც იცელქა, სადღაც საქმე ბოლომდე ვერ მიიყვანა, ჩოგბურთიდან ადრე წავიდა და საცვლის ბიზნესში ჩადო მილიონები. ბორის ბეკერიც გრუნტზეა აცრილი და რეიტინგებიდან ამოვარდნილია სტეფან ედბერგი. სხვა მაგარი პერსონაჟებიც ოფსაიდში ??იან. რაფაელ ნადალი ჩოგბურთის კიბორგია და მაინც როჯერ ფედერერის უკან ზის. ფედერერი ჩოგბურთის ჯონ ლენონია. დიდი ბიჭები ერთმანეთში მაგარ გარჩევებს ატარებდნენ. დღეს ATP-ს ისტორიული სტატისტიკა გავიაროთ. ძალიან საინტერესოა. ბევრი დავინყებულნი ვართ და გასახსენებელი ლეგენდა. წავედით.

VS TOP 10

1. ბიორნ ბორგი (შვედეთი)67:28 (70.5 %)
2. როჯერ ფედერერი (შვეიც)..... 158:78 (66.9)
3. რაფაელ ნადალი (ესპანეთი)99:51 (66.0)
4. ბორის ბეკერი (გერმანია).....121:65 (65.1)
5. ივან ლენდლი (ჩეხეთი/აშშ) 119:66 (64.3)
6. პიტ სამპრასი (აშშ) 124:71 (63.6)
7. ჯონ მაკინროუ (აშშ) 85:64 (57.0)
8. ენდი მარი (დიდი ბრიტანეთი) ..58:45 (56.3)
9. ანდრე აგასი (აშშ)109:90 (54.8)
10. ნოვაკ ჯოკოვიჩი (სერბეთი)76:64 (54.3)

ცაციაბთაძე

1. რაფაელ ნადალი63:6 (91.3 %)
2. პიტ სამპრასი..... 143:27 (84.1)
3. ენდი როდიკი (აშშ).....73:17 (81.1)
4. ლეიტონ ჰიუიტი (ავსტრალია) ...80:19 (80.8)
5. ბორის ბეკერი..... 135:33 (80.4)



ბიორნ ბორგს პირველი ათეულის ხალხთან საუკეთესო სტატისტიკა აქვს

6. მათს ვილანდერი (შვედეთი).... 104:27 (79.4)
7. ჯიმი კონორსი (აშშ)..... 169:46 (78.6)
8. ჯონ მაკინროუ 123:38 (76.4)
9. როჯერ ფედერერი.....92:29 (76.0)
10. ჯიმ კურიე (აშშ)104:33 (75.9)
7. ენდი მარი313:22 (93.4)
8. როჯერ ფედერერი.....772:56 (93.2)
9. ედი დიბსი (აშშ).....494:40 (92.5)
10. დელ პოტრო (არგენტინა).....208:17 (92.4)

მოგაზული ფინალაბი

1. ტომას მუსტერი (ავსტრია). 44:10 (81.5 %)
2. ნიკოლაი დავიდენკო (რუსეთი)....21:6 (77.8)
3. ტომას ენკვისტი (შვედეთი)..... 19:7 (73.1)
4. ბიორნ ბორგი.....64:24 (72.7)
5. პიტ სამპრასი.....64:24 (72.7)
6. იოაკიმ ნიუსტრომი (შვედეთი) ..13:5 (72.2)
7. ხოსე-ლუის კლერკი (არგ) 25:10 (71.4)

უცნობი ბრიგოლ რობაქიძე

დაგვიკავშირდით:
თბილისი,
ილია ჭავჭავაძის გამზ. N5
ტელ: (+995 32) 2 25 05 22
(+995 32) 2 91 22 83
(+995 32) 2 47 55 54
artanuji@artanuji.ge
www.artanuji.ge

www.artanuji.ge

ბამოცხემლობა არტანუჯი

პირველად

ბრიგოლ რობაქიძის უცნობი შემოქმედებითი მემკვიდრეობა ქართულ ენაზე

